


嘉興府志

卷六十三之六十四  
列女

第叁拾貳附



浙江圖書館

民國七年度

915.1242  
0031



浙江圖書館

嘉興府志卷六十三

嘉興府知府 伊湯安 重輯

嘉興府志卷六十三  
列女傳

館

書自劉向傳列女而後世之史因之范蔚宗固云取其高

秀不專一操也嘉興俗尚敦懿女德之可紀者歷有其人茲廣為摭拾別以數科用補前志所未備至節烈一

門所為厲名教而敦風化者尤足有光彤史

國家旌表之典定有年例而志之所收不容過拘蓋人微迹晦易於堙滅所宜亟予表章其或姓氏寥寥而事無摭實者則窮於無可搜羅而非敢過從其略也志列女

217732

26132

后妃 公主

晉穆帝何皇后

何準女廬江潯人為穆帝后后諱法倪以名家應選昇平元年冊為后元興二年崩

年六十六準子琦答問名版文云皇帝嘉命詔問臣名

族臣族女父母所生先臣故光祿大夫雋婁侯禎之遺

元孫先臣故豫州刺史關中侯暉之曾孫先臣安豐太

守關中侯獻之孫先臣故散騎侍郎準之遺女外出自

先臣故尚書左丞胄之外曾孫先臣故侍中

關內侯夷之外孫女年十七云晉書

宋武原志曰輿地志云海鹽縣南三里烏夜村晉何準

寓居焉生女後選入宮縣南一大冢相傳為何后冢案

晉書安帝元興三年七月何后崩八月癸酉耐葬穆

帝永平陵邑中相傳何后陵者或即準父子冢也

晉恭帝女

名茂英封海鹽公主為宋武帝父榮陽王符妃後太子立冊為皇后

案海鹽有天子女兒墓至元志云在西

海鹽仇志云晉恭帝女封海鹽公主

封海鹽公主趙伯符子信

宋文帝第四女

尚焉南史趙倫之傳

宋文帝第九女封海鹽公主張濞子張希

西南六里山下葬此詳冢墓門

梁簡文帝第九女封海鹽公主張纘子張希尚焉南史張宏策傳

唐德宗妃海鹽紫雲村女逸其姓詳山水門海鹽圖經

宋孝宗女嘉國公主初上為普安郡王生莊文太子及公主卒孝宗以攜李誕生舊地令返葬焉墓

在及山

劉志

明憲宗姚安妃名妙莊秀水人曾祖成一洪武初入直棧鑾司為內匠成一子聰字文聰即妃祖也

父敬生妃有異徵嘗因類面見水中羽扇夾兩旁日月

雲霞爛然五色長而端靜家貧緝績躬就市易錢米必

俟市囂屏息乃行行必中道無旁視幼寡髮不盈尺年

十五一夕髮長委地會憲廟遣中人懷恩選淑女於江

南妃籍入宮生第九皇子壽王祐稽尋拜安妃馳封父

母皆故惟敬弟玉之子福員在貧甚販菜于市有司物

色以聞授錦衣衛正千戶時人語曰誰氏子賣青梅朝

藍縷暮錦衣孝廟登極例改百戶王以宏治四年冊封

壽王在蜀之保寧妃從之藩後徙楚之德安府妃尋薨謚曰端懿嘉禾徵獻錄

宣宗女

嘉興公主宣德三年八月封 袁志

周府郡主

儀賓嚴性善秀水人

江西寧府郡主

儀賓楊春山正德時嘉興人

江西樂安王府郡主

儀賓楊京嘉靖時嘉興人

湖廣綏寧王府郡主

儀賓屠敬中萬曆中平湖人

崇明郡主

荆王女儀賓沈一卿平湖人 以上徵獻錄

案徵獻錄又云憲廟時有封嘉公主者蓋湯沐之虛名無事實可紀附識于後

賢母 壽母

浙

嘉興縣

唐

產品妻韋氏 南康王皋之女叔適深陽令陸備即宣公贊

陸侃妻韋氏

南康王皋之女叔適溧陽令陸侃即宣公贊之母侃卒于官夫人訓子作唐賢相德宗勅

迎養京師道路置驛及卒因葬洛陽見權德輿所為文柳志

明

官

朱璧妻倪氏

璧以倭亂得疾死倪守節五十餘年壽一百有二十子東暘例授衛參軍以侍養不仕亦年

八十有一邑令表其閭曰孝義顏其堂曰百歲吳志

諭德屠應垓妻項氏

姑嘗遭疾垂殆割股和羹以進病遂瘥舉五子孟元仲律仲行叔方叔章

夫棄世課子弗少姑息仲律釋褐春官令弋陽項訓以事上忠臨下惠寧拙毋巧罔隳家聲叔方暨家孫謙後先成進士仲行子蒙叔章子大壯俱領鄉薦項泣語曰我長汝父五年恨汝父不同我一見也自幼至老動中矩獲子孫咸以為式至八旬外疾作諸醫束手孫大壯密割股和粥食之得效僉謂宜人事姑之報九十餘卒

監生孫宏來妻常氏

性寬仁治家嚴肅晚年學佛有得忽於定中述偈以歿有二子訓之成立

長鍾琦舉人次  
鍾瑞隱居學道

錢龍珍妻高氏

子江官江西瑞金縣值兵亂之後巨盜許勝可等踞險嘯聚江與城中百姓登陴以

守其民窮無衣食者高手自縫襦煮粥以濟之如是者五年晝夜辛勞兩臂痛裂成痼疾迨勦寇論功江入爲部曹越三年卽陳情終養歸侍九載高臂疾復作而卒年八十有六封太宜人人生平性端重甘淡泊以勤儉訓子婦御下慈和卒之日內外子姪服喪者百餘人親戚僕婢無不感切云

胡某氏

壽百有七歲天啟間人梅里志

國朝

張世楨妻凌氏

世楨死哭泣流血目成瞽周歲孤煌痘危持刀祝天日子死吾無生理願減吾算活

此子痘竟起煌旣長稟承母教食餼于庠

莊日思妻孫氏

生而淑慧事舅姑四世皆得其歡心下撫及曾元五世日思常自記云自來不學欺

人語生平戒取作孽錢其內助之相助可知以子儉貴



人語生平戒取作孽錢其內助之相勸可知以子鏘貴封恭人生平常持清靜經清齋攝養年九十七自知

死期數日前預告家人至期怡然而逝自云天曹計閏已滿百齡矣里人乃作百歲壽母詩輓之

陳以諧妻項氏

中丞陳葆初孫婦以諧蚤年遭疾項內奉湯藥外理家政儉約嚴肅親族稱之以諧

卒析產教其子周範退讓所受獨嗇以壽終知府王帥夔巡鹽李紹聞皆表旌其門以上嘉興何志

楊冬榮妻成氏

相夫讀書躬勤紡績一生甘苦復教子源裕遊庠有聲人稱賢母 吳志

知縣李集繼妻楊氏

性和婉事舅姑盡孝姑病洗厠踰惟謹撫前子旦華如已出視從子輩俱

有恩意尤好善凡族黨之貧困者必出紡績錢周之歿之日有歎息泣下者

馬乾榮妻吳氏

年三十八夫亡無子止一女撫以守節壽至百有四歲卜光裕壽節暨孝女矜恤產

碑記曹王廟之西南約半里許為新十二中五莊有田地共三畝九分係嘉秀兩邑紳士為百有四歲之壽母吳氏暨壽母之孝女沈馬氏年老無藉捐置買戶立矜恤產其產永遠付與兩氏之戚王廷高管業生則收息

以膳歿則為之埋葬餘田廷高世子孫收息以為春  
 秋祭掃之費傍人不得爭奪廷高亦不得變賣捐資者  
 沈敬義莊其順等二十餘人始其事者嘉興馮元芳終  
 其事者秀水卜光裕至捐資人名不及備載云馬吳氏  
 于乾隆五十五年以壽母請旌其女沈馬氏以三  
 十歲守寡紡績以養其母故曰孝女 以上新纂

秀水縣

書

明

圖

訓導呂嗣芳妻顧氏

名妙善嗣芳與伯子本相繼歿于官  
 仲子原甫八歲顧攜原還鄉貧甚

苦守課子讀書文懿公立朝事績得之母訓居多封  
 太宜人年八十七文懿妻徐氏善承姑志文懿故廉潔  
 享年不永徐苦守淡泊無異  
 貧瘡倪岳程敏政皆有碑記

黃鶴年妻張氏

憲副黃銖母年二十六夫亡哀毀欲絕念  
 兒八齡強起撫之晝令就外傳夜篝燈親

自課誦稍不中程且撻且泣課諸孫亦然其綜理家務  
 肅如官府郡守以貞壽旌之子銖成進士方聞于朝而

廿八

恭人 卒

馮坤妻夏氏

夫亡孝事翁姑。居五十年。撫育其孫。夢禎課以詩書。夢禎成學。舉南宮第一。夏封淑人。

卜宗洛妻賀氏

宗洛曠達不事生產。家漸落。賀拮据以適。其意訓子嚴而有法。諸子雖顯達。有不當

必跪責之。奴婢皆兢兢奉法。以子大同貴。封宜人。以上吳志。

宮詹黃洪憲妻沈氏

中丞承元給諫。承昊母。孝慈恭儉。不苟言笑。經理家事。娶婦嫁女及娶諸

孫婦。宮詹父子若不知者。事父母翁姑至孝。處妯娌至和。課子女愛勞兼備。每日玉成。後人如調五味。分數不

宜。少過年七十六。卒。以承元請賜祭葬。如例。嘉興湯志。

談小山妻某氏

新陸人。年九十九。建百歲坊。新溪文鈔。

國朝

徐肇森妻金氏

性至孝。母姚孺人病。瘵刲股者再。及卒。自斥腴田為父母窀穸。同母弟死。撫其二女。

如已出中歲而寡長齋繡佛以  
子嘉炎貴 地封 秀水任志

閣學徐嘉炎妻鍾氏

石門鍾起鳳女性賢孝事姑金先意承志如娣宗黨無間言嘉炎為諸生

貧鍾怡然絕無交謫聲嘉炎入翰苑鍾從官京邸敝衣蔬食不少變積德成疾瀕革適 地封孺人軸至顧視

一笑而瞑子祚增正域 俱有合名 嘉興何志 書

諸念正妻諸氏

念正本姓盛贅於諸因以為姓諸氏性至孝母病割股療之事念正盡婦道生子錦

數歲念正歿諸為子擇師日攜以就塾家極貧紡績以俱脩脯錦亦刻苦力學其立身清介矚然不滓皆母教

也年八十餘 卒 封孺人

贈中憲大夫屠永貞妻徐氏

貴州按察使屠嘉正之母徐為桐鄉望族年十五歸屠事

孀姑盡孝養者數十年永貞歿以身支門戶教諸子嚴而有法既仕猶淳淳告誡雍正七年嘉正以刑部員外

出為廣西知府 憲皇帝垂問及母年 陞辭日陳情歸省 封太恭人

乾隆三年就養於福建糧道

乾隆三年就養於福建糧道署年六十七卒

以上新纂

生員嚴紹祖妻張氏

少以賢淑稱及適嚴訓子嚴切夫歿後五子啟昆啟元啟慶啟淦啟璜以

次游庠皆得母之訓也學使錢給荻教貽徽額獎之

韓成美妻許氏

靈光坊人韓上元之母年一百歲乾隆十三年建坊

莊天御妻岳氏

良一莊中來圩人子海山孫永如俱承岳訓克守先業年一百一歲乾隆三十一年

建坊

孟某妻陳氏

年一百歲乾隆三十三年建坊

范某妻孔氏

年一百一歲部議給銀建坊外奉旨加賞緞一疋銀十兩乾隆三十六年建坊

姚聖林妻曹氏

明四莊東列圩人年一百一歲部議給銀建坊外奉旨加賞緞一疋銀十兩

乾隆四十九年建坊

吳洪遠妻褚氏

集慶坊人壽一百歲  
乾隆五十六年建坊

吳洪珍妻鈕氏

性端重儉約壽九十有九  
齋憲額其堂曰百齡重慶以子鑄貴  
封宜人

陳賜桃母朱氏

素以淑德聞孝事舅姑治家勤儉年未四旬  
癸居守志壽百歲學使金鏡郡守王鑽

邑令周之桂王廷機李  
見龍先後給額表之

書

朱用剡妻王氏

性幽閑好施樂善康熙癸亥壽屆百歲耳  
順目明里中目為人瑞同知李舜有以耆

母門額其廬甲子知縣任之鼎表  
之曰上壽重新以上秀水任志

郭聖甫妻朱氏

東瓜坊人年一百歲有孫六人志達志隆  
志斌志琪志興志宇俱能嗣守先業朱子

乾隆五年方欲  
請旌而歿

浙

方愛雲妻朱氏

乾隆六年年九十一歲知府  
趙給額獎之以上新纂

嘉善縣

明

程德明妻邵氏

家素封邵謹身節用明季兵荒散財以贍宗族家遂落鬻奩具佐夫營葬先柩夫亡

撫教三子起鳳起英起雄勵志讀書登仕籍懿行編

孫暉妻黃氏

西塘人年二十九夫亡事姑孝撫四子俱成立神宗二十九年黃年九十八直指馬給匾

表之壽至一百四歲

程志道妻懷氏

志道儒者早世懷茹素終身年臻百歲神宗時邑侯表其間曰壽母子宏遠壽八十

二孫世有文名年七十餘如少壯云以上嘉善楊志

海鹽縣

浙

宋

郭瑒妻周氏

郭三益母賢明善料事三益初丞常熟以濬青龍江獲譴常平使者周策使者必悔已而

果然三益奉其教官至使相人稱周為賢母云

案海鹽圖經附載指揮嚴震母張氏指揮崔鼎母徐氏指揮劉銳母屈氏並以賢能稱

明

張翥妻丁氏

張寧之母教子甚嚴寧以給事中使歸臨行出金錢與寧日途中以此為費毋妄取以玷

官箴寧妻王尤尚儉約寧守汀州時有同官妻私會服飾多珍異既去語妾輩曰此婦粧飾適彰夫醜耳寧女恒吉適杭州劉舉無子潛買一妾進舉後恒吉卒妾生子劉乃有後焉寧又有元孫女六姐嫁某姓遭戚施之辱墜樓死楊必恭有長歌輓之

鄭讓妻李氏

鄭延母朱祚云安人以道義相夫故鄭為善人以詩禮勗子故子為名士

二劉氏

一尚書鄭曉元配一繼妻也曉官郎署時以議大禮杖闕下大劉氏調掖獲安後謫判和州次劉氏

為納妾隨侍清苦共嘗曉每歎二婦為患難友妾沈氏生少卿履淳顧氏生此部履準上舍履洵並有賢德

徐昂妻王氏

各慕貞事昂若大貧教子慈而



徐昂妻王氏

名慕貞事昂若大賓教子慈而嚴以子成貴受封猶敬戒不喪

指揮王俊妻沈氏

教諸子曰自少至老必習一藝以自養每見紈綺子遇凶歲多死道路不可不

戒

陸氏

王文祿母初娠做古胎教法子稍長就外塾即脫簪飾購書籍資其博覽後文祿舉於鄉有規隱重儒者

袖金來請教文祿謝却之故文祿終身不至有司言事文祿嘗述母所語國初事為龍興慈記一卷行世

主事劉木妻鄭氏

鄭曉姊布政炳之母也性端嚴儉約木歿時炳方八齡撫之成進士時舉木所

訓清白勤民遺軌相勗嘗曰汝父在歲歲蝗旱公退未嘗不涕洟廢寢食搏頰禱天自俸錢外未嘗見汝父分

毫取于民汝識此大端庶無忝爾父耳

布政劉炳妻錢氏

太守錢芹女主事世挺母性平易儉約嘗從炳宦歸舟次其妹沈宜人家沈邀

之飯女從皆更裝以俟少頃錢綦縞入門單率如窶婦女從咸揜口笑沈獨慙然自恨弗如家居賓祭外罕聞

砧俎聲一榻絺帳冬夏無改錢父舅夫子  
並甲科門閥罕匹而質素踰等足貽世範

主事劉世珽妻徐氏

聰慧饒智略凡五行醫藥堪輿家言皆  
通曉珽之葬地亦手自定也性尤儉嗇

善治  
生產

指揮彭大年妻談氏

侍郎談相女幼通經史有識鑒相方  
侍直世皇寵貴赫奕談操作織紵訓

其子紹賢讀書歲大禡竭力供堂上粒食自取糠稗作  
餅療饑性仁愛聞人疾痛患難未嘗不拯救年八十餘  
猶夜觀書史舉古忠孝節行事教孫曾輩後紹賢再進  
綺繪甘旨却不御日吾來汝家時業安疏布不忍變也

彭紹賢妻鄭氏

鄭曉女御史宗孟之母生有懿德與紹賢  
莊事如賓而事舅姑善體隱志營慮世祿

家無恒產鮮知學為買田課耕  
及購書籍俟生子長大教之

刑部郎鄭履準妻沈氏

居家綜理精密尤識大體履準善  
病艱于嗣沈百計求宜子者以進

生二子忠材恕材既婚又艱于抱孫復令二子置妾嫡  
母字庶子之恩篤摯無如沈者至其周卹厚德事尤不

可悉記

可悉記 以上海鹽圖經

御史彭宗孟妻朱氏

幼喪母事繼母以孝聞年十八入歸彭事翁昭毅將軍及太姑談淑人繼姑

李淑人俱盡婦道生平布素自安不離織紉戒子孫毋營子母利

太常寺卿吳麟徵妻朱氏

父有庶子朱甚愛之麟徵居官廉苦朱能佐以澹泊後麟徵殉

難哀痛欲絕越十五年卒

知縣彭長宜妻祖氏

婉淑孝謹久未舉子謀置一妾長宜不可未幾有子而殤遂發病卒繼娶

沈氏亦能操作佐家年七十四卒

舉人張奇齡妻顧氏

奇齡稱理學宗工數上公車未第顧慰且勞之而以桓少君自許季子惟

赤以尚書郎擢掖垣凡所建白一展奇齡未展之經術皆母氏有以告誠之也年近八旬卒

許丕顯繼妻崔氏

性慈淑撫前子翰與已子全臨無異翁士奇性嚴重崔善承志無少忤丕顯性

亦卞急崔每事彌縫之臧獲莫不感其德訓二  
于甚嚴學俱有成全臨登第任山東昌邑知縣

指揮使童乾鍾妻徐氏

從翁姑涉海宦松門備歷艱苦孝  
養倍至乾鍾投筆龔廩食指頗繁

徐日夕維織以佐之及乾鍾解職益自刻  
勵訓子孫以讀書孝友為本年六十七卒

生員朱嘉生妻彭氏

字玉節讀書通經史姑不睦于妯娌  
彭婉曲勸姑遂和協工詩與姊季琬

唱酬甚多季琬字  
玉映亦有詩集



國朝

生員彭原廣妻劉氏

事舅姑愛敬兼盡教子女以詩書子  
孫適成進士諸女孫婧孫瑩能詩皆

劉教  
之也

生員彭孫求妻陸氏

職方員外郎澄原女名合芬嘗割股  
以療母病孫求待父宦京邸病目失

明諸父謀以宗女代之陸不從歸彭克修  
婦職教二子復曾光曾為諸生年六十卒

知縣陳遇長妻彭氏名孫淑婦仁孝端淑生子元永復為

知縣陳遇辰妻彭氏

名孫姑仁孝端淑生子元永復為遇辰置妾生五子彭撫庶子一如己子

工詩有盤城游草妹孫瑩庠生徐復貞妻亦能詩有碧筠軒詩集

戚啟光妻童氏

端重識大體居恒勞苦以佐家計啟光艱于嗣童勸納妾生子令曉令疇撫育如己

子令曉登進士

給事中張惟赤妻陳氏

孝翁姑和妯娌事給諫每引大義以相勸勵教子皓寬嚴得中有從女弟

少孤撫育之為擇良配奩具甚厚

生員陸鑒妻徐氏

事姑甚孝相夫訓子俱依古訓子泓濇聲著庠序年逾七十卒

駱駿奇妻厲氏

性莊雅及笄歸駱敬事繼姑踰年生子雲教育勿少懈雲登賢書旋捷南宮厲欲然

不色喜人服其量云

徐鍾元妾齊氏

隨鍾元之任粵西鍾元齋表至京齊畱署中值兵變挈少女幼子飢走荒山歷盡艱

苦幾十年始得歸時鍾元已卒嫡朱妾王亦相繼歿  
齊撫養已子與王所生子俱至成立年八十二卒

生員張龍楨繼妻朱氏

德性溫粹生子朝晉與前子朝鼎一體撫視夫歿教二子不少寬假

俱力學有成

張朝晉妻徐氏

事姑孝處家儉佐朝晉營葬先世構祠屋皆以紡績餘資為之其訓子語曰人若妄

費雖一文猶奢苟使中節即千金不為過也



監生郁聞三妻吾氏

聞三抱疾終身不知有婦而吾事夫益恭年十九翁亡五十二姑亡五十

九夫亡先後三喪吾獨力經理之

生員許得受繼妻朱氏

事姑以孝聞年三十五而寡長子安策十餘歲朱教以修身立學為

先邑令梁以懿芳毓德額表之

陸中杓妻俞氏

敬事翁姑翁姑歿脫簪珥以佐喪紀夫歿遺孤皆幼晝夜紡織督課之後子烜方來

俱登賢書

朱茂生妻吳氏

年四十無子勸夫納妾沈氏三載夫亡同心誓守撫沈所育遺腹子亮采成立以

上海鹽續圖經

贈侍郎錢綸光妻陳氏

名書號南樓老人家故貧綸光常出遊陳紡織以給薪小兼工畫善

花鳥草蟲點綴有神韻子陳羣少時陳口授章句大義陳羣通籍後繪夜紡授經圖

不覺鼻含辛之句陳羣卒上懷舊有句云少小困場屋賢母授之經蓋知其得于母教者深矣以陳羣

貴贈一品太夫人

朱鈞和妻徐氏妾郭氏

徐賦性淑慎事姑四十年如一日鈞和好行善事徐脫簪珥助之艱

于子嗣即為納妾生二子顧復一如已出長子肇昌領鄉薦次子丕烈成進士官給事中徐疊膺封典年七

十八卒郭秉性謙抑佐嫡孝事姑張氏二十三年以子貴疊受封典年九十五卒

給事中朱丕烈妻徐氏 年二十適朱孝翁姑和妯娌及丕烈

成疾年五十八卒

朱沅如妻吳氏

幼為養媳比婚數月沅如賈于乍浦別有

其屋吳乃賃屋而居後沅如卒于乍浦徐為經紀其喪扶柩歸里以沅如兄子為嗣教有法度鄉黨稱之

方震齡妻吳氏

幼慧父訓蒙與妹刺繡堂後聽所授書皆成誦歸方妯娌議析產涕泣勸止震齡客

還方歲暮有所人輒分贍成黨之貧者妹寡贍養終其身每夜集子婦及諸孫論說古今嘉言懿行以為勸戒

蕭巨高妻馬氏

農家女年十八歸蕭夫病篤貧不能醫藥馬因焚香祝天剖股肉以療之病得愈後

夫婦偕老訓子嚴而有法年七十餘卒

貢生彭浩曾妻高氏

生有淑德事孀姑崔盡孝浩曾少孤力學不治生產高脫簪珥以佐不給

教五子三女甚嚴子德宣德容德宇皆遊庠有聲年七十二卒



監生馮天麟妻楊氏 少嫻女儀適馮後夫婦相敬六十年如一日操持家政具有禮法

程文爵妻舒氏 舒生於前明崇禎乙亥至國朝乾隆二 年壽一百三歲 欽賜貞壽之門四

字額給建坊銀三十兩復加恩賜緞一疋銀十兩壽至一百八歲

陳殿寧妻吳氏 年四十一而寡訓長子鶴次子鶴俱列邑 庫壽至一百歲乾隆五十五年建坊

以上新纂

### 平湖縣

明

贈參政胡濂妻沈氏 早歲夫亡礪節不二提攜幼子友忠刻苦成立友忠生子士相沈嚴訓之

迨士相成進士沈年已八十餘矣矍鑠善飯享年百歲里閭重其節且羨其食厚報云 平湖程志

### 石門縣

明

張鵬繼妻曹氏

前妻遺孤四齡曹為鞠育與已子無異鵬

卒諸孤執執曹織維篝燈親自課讀子國  
翹舉于鄉縞衣糲食不減鹽藥時曹族有嫠婦亦苦節  
敬而憐之餽遺不絕生平通曉大義家範肅然年七十

一稱未亡人  
者垂四十年

書

知縣李華春妻許氏

父無子贅華春為壻華春貧許躬織  
經佐之讀書及華春舉進士官南城

知縣卒許扶襯歸葬訓二子  
太沖太淳俱讀父書有文名

解元朱用光妻王氏

用光卒遺二妾馬氏諸氏年俱少王  
甘苦共之矢志靡二勤課其子繼芳

入泮  
有聲

浙

王宰妻彭氏

宰早卒孝事舅姑撫庶子與已  
子如一督謀有成咸推其慈淑

生員錢思正妻姚氏

適錢後即勸思正置妾生子懋與十  
歲而思正亡拮据守家業人稱令母

年八十  
二卒

知縣吳郡繼妻陸氏

隨郡榮昌任時中丞喻思恂方垂髫陸一見卜其國器勸郡磨穀之喻時

至署親為梳櫛喻後任浙撫至墓拜之陸治家勤儉有法度教前子皆成名

國朝

貢生徐勲妻吳氏

夫早亡子駿聲甫九歲吳紡織膳讀寒燠靡輟後駿聲補諸生雅譽卓然人服

其母  
教

生員吳夢寅繼妻陳氏

性慈惠生三子撫前子女踰已出性不佞佛臨終命諸子曰汝輩讀

書當崇實行浮華無益也喪事勿用浮屠但盡心殯葬勿之有悔而已子涵賜進士及第

生員沈時憲妻姚氏

貢士姚湘女生平寬和儉約孝事舅姑訓子凜若嚴師年幾及百歲

鍾起鵬妻朱氏

年十九歸起鵬相夫治家具有禮法待親族有恩鵬卒遺孤在襁祿朱矢節茹荼歷

經饑饉多方拮据延名師訓其子定學  
成有聲邑令陳邦寄表其閭曰貞慈

生員郁起鼇妻徐氏

年三十三鼇卒遺孤詒甫六齡妾所  
生也恩撫逾已出有過輒流涕導之

詒為諸生有文名繼姑嚴曲意善事得其權養  
葬俱克如禮嫠居三十九年邑令陳表其閭

監生曹以成妻程氏

名發嫻歛人海南學憲程有守之女  
孫生而端慧少受論語小學相夫治

家生三子撫育備至延師課讀克敦孝友長女適生員  
吳芬次適進士沈寧皆得婦道亦足徵母訓云 以上

石門

鄭志

吳尚思繼妻范氏

年十七歸吳撫前四女如已出年二十  
五夫亡子之振方九齡值明季盜賊蜂

起攜孤播遷所至輒延名宿督課之之振  
以詩文成名實由母教云年六十餘卒

舉人胡明遠繼妻沈氏

少嫻文史動遵禮法夫歿五子皆  
幼沈持家勤儉教子直方明經季

開泰孝廉苦節六十年年  
九十一卒 以上吳志

長盛昌妻沈氏 繼昌本姓陸以姪繼姑遂以張為姓沈奉

張繼昌妻沈氏

繼昌本姓陸以姪繼姑遂以張為姓沈奉兩家姑嫜俱極孝敬夫亡盡出所蓄命子

某建宗祠置祭田為春秋祭祀之費持家勤儉親族無力婚葬者必有以贈待佃農計畝減其租

周大來妻馬氏

大來以事戍邊馬守志母家鉞蒞度日及大來遇赦歸馬年已五十矣迨既歸周益

勤操作支持門戶大來仍踏舊習而馬之令淑人咸稱之年六十餘卒以上新纂

桐鄉縣

明

生員鍾應宮妻呂氏

應宮積學敦行為鄉里冠以王事卒於京家日落時諸孤尚未成立姑年

九十有五呂奉上撫下各盡孝慈教子貞為諸生次彝鳳翔推官次超濮州知州並以廉稱

貢生莊冕妻郭氏

性柔慧工書孝專翁姑子女皆親自課讀崇禎丁丑隨冕之任興安州夫死與

觀歸遇寇為飛刀所中既甦顧子女曰今得與若輿觀歸死可無恨矣後十年跌坐卒以上桐鄉徐志

工部郎中錢貢繼妻申氏

家政肅嚴內外斬然訓女以閨範偶有不莊卽長跪譴責嫠居

三十餘年節操凜凜前子夢得宦歸定省時以清廉勛之 錢氏家乘

國朝

仲九霄妻山氏

秀水山翠娥女性至孝及笄贅九霄爲壻相夫勤慎生子宏道幼善病山密爲夫置

妾冀廣嗣續訓子成名順治三年九霄死山一慟嘔血數升不數日亦卒 贈孺人

楊應魁妻汪氏

孝事翁姑不嘗禮度尤畱心惇睦之誼命子炯修輯族譜宗黨奉爲女師康熙三十

一年邑令林謙光給孝著坤儀額邑令郭金湯給巾幘丈夫額三十三年藩憲蔣毓英給淑德可風額年七十

五卒 以上 桐鄉徐志

諸董威妻沈氏

董威晚舉一子士鳴而歿沈教之極嚴士鳴有過失必跪而杖之見其讀書輒喜日

但得汝作秀才繼先人死無恨矣一日火將及董威之柩沈號泣欲與俱燼鄉人感奮昇水而入瓦與石俱碎

棺獨存士鳴父執頭楚先哀其貧遺之以粟悉令籍

一棺獨存士鳴父執顏楚先哀其貧遺之以粟悉令籍  
記曰長者德不可忘沈劬勞節嗇娶婦嫁女歷凶饑恒  
產雖薄不廢親舊慶弔不失禮

言行見聞錄參桐鄉徐志

推官顏俊彥妻潘氏

有賢行此卒歎息語其子女曰我死爾宗族未得無事也俊彥從兄避難

崇德聞下流涕口何遠喪此賢婦耶未幾而頌  
姓起人咸服其先見言行見聞錄

舉人盛榮繼妻戴氏

如宋善病能先意承志榮躓南宮以滯京邸未幾榮卒戴念有孤在不忍

殉越三載翁由明經秉鐸湯溪戴以翁年踰七十渡江涉險命子麟然隨侍左右已而翁以老乞歸甫五月歿而麟然亦相繼逝時歲饑家貧乏三孫孑立三喪纍

纍未葬而戴竟以白頭嫠婦拮据支辦人以爲難

皇甫銘妻戈氏

臨海人年十六適銘未幾舅死姑潘老而目盲戈進甘旨從不假侍婢手迨銘歿遺

二子洸洸讀書兼治生洸補諸生不數年歿遺孤二俾洸撫教之後孫樞成進士人謂得大母之教爲多年入

十九卒海昌

許爽爲之傳

編修鈕汝騏妻張氏

于歸後凡賓祭補紉簪爨與夫鹽豉零星悉以身任方汝騏未第時嘗讀

書至漏三下不止張則辟纊佐讀凌晨率先起梳裹故

汝騏詩有每年伴我支寒漏半世何人見曉粧之句既

艱於嗣飲置一妾舉一子自襁褓中翼而長之張之戚

有戴節母者寄珠飾一篋值千金無何戴暴卒張瞿然

日向所寄物及茲未斂還之遂遣伴持篋歸其子肇基

封識儼然張卒親串及臧獲都有出涕至累日不食者

以上烏

青鎮志



縣丞馮錦繼妻孔氏

名傳蓮訓導毓瓚女錦任宜川縣丞查勘賑饑感疫攫疾誤醫成痼歸竟

不治孔孝侍翁景夏課子浩成立撫前妻陳所出女三

人如已出幼工詩有寄外宜川句云官為七品佐身落

萬山中年六十有六以浩貴封太安人孫應榴貴

贈恭人浩妻陸氏編修樹本女事姑孝脫簪珥助夫買

書夫姊王徐貧無出同膳數十年終老持家勤儉有法

好行善樂助人如嫁喪葬事年七十有九封恭人

生員沈廷光妻孔氏

名繼瑛字子嚴父傳志贈襄陽知縣廷光遠館吳門繼瑛課諸子嚴而

右法家貧不能購書命長子啟震借書抄讀之鈔未竟



有法家貧不能購書令長子啟震借書抄讀之鈔未竟輒代爲手繕嘗有句云手寫兒書供夜讀身兼婢織佐晨餐又云夜枕先愁明日米朝寒更典過冬衣及啟震之官運河貽書戒之曰毋慮不足而多取一錢毋恃有餘而多用一錢無錫嵇文恭公題其言手書慎一齋額以寄著有南樓吟草并詩餘一卷以啟震貴封太恭人啟震妻蔡氏婚一載啟震試禮部姑與婦各居母家姑病篤暈絕亟往覓肩輿躬擁以歸乃得蘇夫弟啟晉卒無子其娣請命於姑欲得其仲子爲嗣仲子以病失明蔡曰叔無子烏可使廢疾者爲嗣乃以第三子潭生爲之後其賢孝類如是封恭人

### 知州陸費熙繼妻趙氏

生三子坤垣墀熙罷官後宦橐蕭然紡木棉以供湔灑以小杓置一

燈命季子墀就讀讀精熟乃就寢一布被補綻餘數十處雜色俱備指謂墀曰俗或乞材於衆人製衣曰百碎衣以衣小兒云得大福壽今吾與汝共此百碎被庶幾得大福壽乎年九十墀官闈學乞假稱壽御賜蘭陔慶表額高宗六巡江浙趙於五里亭迎駕又蒙賜鑲玉如意貂皮綾緞壽九十有

三封一品太夫人

周禹垂妻錢氏 年百歲乾隆三十三年建坊

陳禹時妻倪氏 年百歲乾隆十五年建坊

王魯臣妻孫氏 年百歲乾隆十五年建坊

章名山妻錢氏 年百歲乾隆十七年建坊

黃用昭妻朱氏 年一百八歲乾隆四十三年建坊 以新纂

孝婦

嘉興縣

明

夏錫瑞妻馮氏 字佛齡年十七適夏姑病痿厥禱神願以身代姑夢大士告曰汝病當不起以汝婦

孝上格今且廖矣馮願繼大士像百福祝姑長壽自後

夏錫瑞妻馮氏字佛齡年十七適夏姑病廢厥嗣神應以

孝上格今且瘳矣馮願繡大士像百幅祝姑長壽自後  
姑竟起馮忽患厥如姑以死有司給孝感回天額表之

知州包汝楫妻賀氏姑陸病劇進湯藥輒搖手云幸勿苦

第少啜之姑飲而甘之吸至盡寢息頗安數日而  
愈此湯乃婦剪股肉所手烹也孝感之應如此

知縣李敷妻徐氏好善拯災恤貧常折券契見沈思孝墓

銘李氏  
家譜

國朝

生員朱慧妻湯氏名學光海鹽人慧砥礪學行中年高蹈

勤儉孝養舅姑年六十六卒何汝霖為之傳以  
為偕隱同清有梁孟之風云 以上嘉興何志

李平妻徐氏徐舜儒女姑賀氏年六十餘徐奉其姑克盡

孝道姑患軟肢病徐獨力扶持盥漱必親視  
食案必親舉  
以無倦色

程琫妻徐氏 琫早卒家貧辛勤織紉敬奉翁姑翁病革徐懷刀剗股和藥以瘳教子能讀父書里人上

鴻宇楊漢籌作

五言詩紀之

徐賢妾賈氏

年十七歸賢賢有疾賈奉湯藥惟謹未幾賢歿適姑病篤賈急割股肉煮以進姑疾漸瘳

人以孝稱之

書

張尊周妻閔氏

閔洪濤之女年二十一歸張事翁姑能孝且敬姑病閔弱侍湯藥不離左右未幾病

劇閔于竈前割股暈絕夫以藥敷之漸甦戒勿令姑知已而姑病漸愈人咸以為孝感所致越三月姑又染時

疫數日而逝閔為絕粒誓從姑于地下翁解勸之勉進水漿踰年亦卒年止二十八

孝廉方正李毅妻朱氏

翁病革與夫同時割股暈絕良久始蘇亟和藥以進翁疾已不可為矣哭哀盡

禮年僅二十一卒 以上新纂

秀水縣

明

監生姚鈿妻項氏 襄毅公從孫女姑老事之謹晨起問寢無敢疾步夕攜乳兒侍姑側俟寢熟為

納衾于肱乃返子室後姑疾割股肉以煮進得瘳

生員姚邦俊妻馬氏 性賢淑孝奉翁姑姑項病危籲天願代割股肉以進姑飲之得瘳項即姚

鈿妻曾割股救姑者 以上吳志

知州吳繼妻屠氏 性至孝姑戴日雙翳繼之官屠獨畱侍姑親操匕筋者三十年母項宜人年逾

大耋邁危疾寒月護湯藥衣不解帶者凡三月以勞瘁成疾卒封宜人 秀水任志

卜允孚妻徐氏 姑懷病篤徐割左股肉投劑中手奉以進異香滿室姑飲之不旬日愈 卜氏家乘

國朝

卜震生妻吳氏 事姑至孝相夫治家亦具法度教子有母儀康熙十一年 旌

州同江天錫妻朱氏

姑疾調羹進藥寒暑弗懈疾篤籲天請代姑疾獲瘳訓孤子開泰成立年

四十一年卒乾隆

十一年旌

卜禮繼妻潘

卜氏家氏

年十九于歸姑吳患病夜嘗不寢

股和藥以進疾遂廖甲寅亂兵入室抱姑急走失足墮樓時懷妊俱無恙教子雲從雲來俱成名年四十七卒

以上

吳志

吳源起妻計氏

事祖姑鈕極孝一日劇賊數十自吳興來攻劫且露刃抉戶鈕年百歲舍粹不能出

避揮計去計曰太宜人在孫婦以死守未幾賊自解散里人皆謂純孝所感也計東有吳孺人傳

卜寶耕妻姚氏

六齡父母歿撫字于兄少貞靜及長歸卜奉事翁姑先意承志舉二子三女事母俱

孝長婦吳氏孝尤肫摯姚病牀褥三年進食加衣未嘗少怠一門盡孝皆姚之克盡婦道有以致之也朱彞

尊有傳

載混妻徐氏年二十四姑染時症奉侍湯藥月餘不瘳下

戴焜妻徐氏年二十四姑染時症奉侍湯藥月餘不瘳乃默禱天地割股煎湯以進姑疾漸愈以上

新纂

嘉善縣

館

明

孫言嘉善新纂妻王氏年十九夫亡適繼姑病悲號累日祈以身代夜夢神語曰念汝孝錫

汝姑百歲姑果年九十五卒劉志

圖

孫枝良妻張氏監生張志仁女淑孝端疑得姑嫜歡心與子婦沈氏倪氏聚順無間孫婦馮氏李氏

並稱賢淑曾孫孝廉霖婦謝氏亦能孝曾繪世澤圖以志前徽有淑芳雜藝吳志

舉人沈在鎬妻倪氏生員士觀女士觀歿家中落倪傾囊營葬其父且割腓田授其兄子生平

孝事舅姑喪葬盡禮夫亡後長齋守志以子衍貴贈孺人

監生浦永銘妻孫氏

通書史著有繡間集事太翁及孀姑盡孝敬父術與母李相繼亡悲痛致

重疾 卒

監生葉棕妻黃氏

性孝謹翁姑病嘗湯藥早夜祈禱及歿哀痛成疾不久卒 以上褒祀編

生員毛正學妻葉氏

性至孝侍母疾衣不解帶者累月歸毛後恪修婦職姑卓疾篤額天祈以

身代夫之從子九萬三齡喪父外甥曹淑五歲亡母葉兼撫之咸為婚娶并授田宅訓子璠成名

訓導毛璐妻顧氏

父患疽親為調治及適毛孝事舅姑姑患心痛醫言人乳可治顧乃以餅餌啖

其子朝夕進乳于姑子遠生員龍文

章文錦妻袁氏

文錦性至孝父歿哭百日死袁孝于姑姑病割股肉以進尋愈子如海少孤撫之成

立年六 十三卒

張泰安妻曹氏

曹焄女泰安就館于外資脯脩以供菽水曹主中饋恪修婦道夫嘗刊父遺文未竣

而亡 曹焄妻盡 曹焄 命子續成之



而亡曹盡鬻奩具命子續成之  
為嶺雲集行世以上懿行編

許澄原妻朱氏

事祖姑翁姑至孝年二十六寡撫八月  
遺孤有成守節二十六年 浙江通志

張振遠妻陳氏

翁復元年八十病篤劍股和羹以進元夢  
一黑旗書孝感二十病遂瘳 嘉善崔志

國朝

訓導孫慎機妻馮氏

姑遘危疾夫躬身代馮曰君死不若  
妾死遂禱北辰夜聞神呼曰馮孝婦

帝鑒汝誠已允汝請馮驚起尋卒姑立瘳  
夫感其孝行賦哀絃集子賡微領鄉薦

封文林郎丁穎全妻顧氏

尚書顧錫疇孫女嫻女誠適丁  
時姑已歿祭必盡哀事繼姑極

誠敬翁年邁卧病二年顧親嘗湯藥勞苦不倦翁歿  
慟哭絕粒初喪七日遽歿以三子棠發貴 贈孺人

知縣孫衍妻馮氏

父瀛秀多病馮茹素終身祈益親算歸  
孫後事繼翁姑及本生姑倪極敬以待

疾過勞卒衍繼妻李氏性至孝父母喪葬脫簪理支辦  
惠撫弟妹俾無失所應得 到典請夫上告 馳贈本

生姑子孫俱成名幼女守貞子婦三人並賢孝皆馮訓誨之力夫妹適諸生謝元起亦稱賢孝知縣張鏞以賢

孝聯輝額表之

陸在選妻沈氏

在選初娶于沈性賢淑敬養舅姑贊夫力行善事繼娶亦沈氏性行亦如之三娶徐

氏翁病奉事不怠夫歿待前六子錦鈺等如已出兼撫鈺子景淮成學先後均稱賢孝

舉人夏慥妻陳氏

初刻臂療母病及歸慥繼姑病需人乳陳日夕進乳獲痊既寡事姑尤謹子鎔

娶孫氏亦以淑孝稱

程文畧妻金氏

夫亡紡績養姑姑病籲禱獲痊夫歿後撫孤成立茶苦二十餘年

浦時英妻沈氏

夫亡時翁已八十餘二孤皆幼沈力操作盡孝養侍姑疾左右不少離值水災歲歉

周恤里黨訓次子聖明勵志力學

汪介福妻郁氏

幼喪父哀慟幾失明適汪後姑病劇日夜叩禱割股進藥姑疾得瘳而郁以奉養勞

卒

監生張惟治妻金氏

事姑曹盡婦道姑疾奉湯藥不倦及病篤夫禱于神願減算與母金知之

額天所代姑痊金旋卒子炎  
穎悟過人人稱孝婦之報云

監生汪震妻程氏

性淑慎事舅姑克盡孝養既歿終身追慕訓子以琬成名程卒夫感其孝遂不

復娶 以上  
嘉善戈志

生員朱學浩妻周氏

學浩早亡周孝事孀姑姑患病瀕死婦侍湯藥積勞成心疾姑病瘳而婦

卒

朱又華妻錢氏

事姑孝姑亡積勞哀毀嘔血數升不逾月卒子履和履豐少孤教之俱成名 以上

新纂

海鹽縣

明

陳允武妻萬氏

萬炳女年十六歸陳值姑歿撫夫弟妹有恩翁受役于官輸兵餉軍門遇倭失餉法

當死萬亟鬻嫁裝及私產得金踴獻軍門以贖翁得不死

沈拱辰妻宋氏

幼喪母即歸夫家事姑甚孝姑病宋割股肉投藥中進之姑以為甘疾遂起宋亦不

言其後姑之姊來與同卧見其創知之邑令工臨亨表其閭以見其創知

序班賀萬春妻趙氏

平湖世家女歸賀事夫治家並合禮則尤孝于其姑雖姑之侍婢弗敢訶

斥姑嘗病督視而舐之者五歲遂復明人以為孝感云

指揮崔成俊妻呂氏

翁以領漕失米法當代償始免罪呂罄奩資授夫赴京買米輸官救之歸

夫收養貧宗撫弟姪有恩皆呂相之也以上海鹽圖經

巡撫吳麟瑞妻朱氏

年十六歸吳曾大父大父母俱在堂奉養備至麟瑞既貴絕請謁朱亦以

歌介相願年

耿介相勵年六十八卒

國朝

侍郎彭孫適妻朱氏

生有淑德克勤婦道從宦京邸猶勤女紅長子齊會早亡婦施事姑尤孝

朱晚年生子景會幾不育施加意撫養乃得成立

舉人陳遇麒妻徐氏

十齡失怙擗踊中禮及笄歸陳事姑曲盡孝敬年二十八卒

生員楊雲致妻李氏

年十九歸楊遭家多難勞苦備至孝事孀姑恩撫幼叔敬夫教子舉動合

則年八十二卒

監生徐中道妻吳氏

事姑孝謹必潔必誠年六十一卒長子敦彛妻謝氏以哭姑過哀嘔血死

許雄妻孫氏

雄孝事父母孫佐夫奉甘旨能承順姑意姑歿以女紅所積佐夫營喪葬巡道王以淑德

貽賢額表之

鄭士模妻劉氏 名厚蓮兩事繼母愉色婉容待異母昆弟曲盡友愛年二十歸鄭事繼姑盡孝三載

不育即脫簪珥置妾生子兆燕視如已出年六十卒

孝子朱廷采繼妻何氏 佐夫孝養姑年八十夜半進粥者八載姑病不食以乳參奉之

繆氏二孝婦 繆宗美妻陳氏繆成美妻馬氏妯娌也姑病在牀宗美兄弟赴田作忽隣火延燒二婦見

勢急各棄其子從烈焰中負姑出二子燼而姑獲全以上海鹽續圖經

生員何兆辰妻徐氏 事姑嚴甚孝姑病篤嘗禱于神剖股和藥以進病遂愈何氏宗譜

竹橋孝婦 佚其姓氏康熙年間乞食養姑三十餘年姑歿號泣流血募錢葬之即自經死

同知彭景曾妻吳氏 景曾為侍郎孫適子素嫻禮教吳事翁盡孝一生淡泊貴而能勤年七十

九卒以上新纂

平湖縣

明

屠紹慶妻張氏

年二十一歸屠三載夫以疾卒無子張事姑如母朝夕不忍離者三十年如一日姑

亡張日夜哀慕遂患癆瘵卒

官

沈思孝妻過氏

年二十歸沈家故貧夫就館于外過盡廢奩具以奉翁姑歲荒自啗糠粃而以甘旨奉姑姑歿將葬過已病甚幾不能送號哭強起沈病立痊及歿夫感其行終身不復娶矣 以上平湖程志

國朝

艾中襄妻倪氏

知縣倪籥女早寡姑病割股療之巡撫秦世禎學使王康侯並表其門子三人俱能

文平 湖朱志

贈儒林郎鮑連妻程氏

年十五歸鮑夫早世程孝事其姑嘗割股以療姑疾學使彭始博表

其門曰淑範 嗣音 吳志

沈鴻緒妻張氏 少聰慧立心行善長歸鴻緒孝養舅姑妯娌無間言年七十九卒人稱孝婦古狂

隨筆

金麒麟妻方氏

年二十歸金奉姑甚謹踰年目瞽夫亡遺子纔三齡家苦貧方匍匐奉姑飲食必先

姑而後已所賃居在西郭外將傾鄰人相率引去方貧不能徙請于主人支以木夜有盜其木者方晨起為炊風雨驟作屋震動有聲急起負姑未出戶遂圯皆死起視之方箕坐于地兩手抱姑執姑衣甚緊劈之方解時乾隆戊午九月十九日也方年四十二見者皆流涕陸奎勳為作出自西門行 平湖高志

翁式善妻張氏

九歲遭父喪慟絕二日始甦年十六適翁得舅姑歡心母沈病疫張歸省視侍奉湯

藥不倦及卒時當六月枕中而哭卒亦不染姑夙嬰心疾張代操家政姑亦盛稱其孝年六十八卒 平湖王志

石門縣



明

葉承光妻徐氏

姑癰疽割股進糜不效日夜慟哭致成目疾歷二十四載姑飲食便遺悉徐扶助姑

壽八十臨終言無以報婦願爾婦亦如是耳後為子娶婦費孝不減其姑

吳志

國朝

姜序妻宋氏

序不顧母養宋孝事其姑姑病瘋癰醫不能治宋割股餌之病尋愈未幾宋卒其姑終身

嘖嘖稱婦賢孝云



州同沈涑生繼妻勞氏

舉人勞大與孫女諸生子啞女也性端靜宅心仁厚撫前子女逾已

出待侍妾有禮內外姻戚多稱其賢方勞之歸沈也甫十日姑卒哀毀幾斃未幾翁又病篤勞憂甚乃密割股以進翁食之竟愈越十年翁歿年八十一勞體故羸弱至是哀毀疾亦篤不復痊去翁卒六閱月也邑令傅以履給甚孝可風額以表之以上石門鄜志

訓導田琦紳妻姚氏

姚克疑女事姑姚宜人以孝琦紳遊京師姚奉老翁左右就養歲庚寅翁

病痢將殆姚禱天封股肉和藥以進翁獲痊姚初秘之小姑窺得其實于是姊妹與弟爭效之以救其親皆姚

之孝所感云

監生陳湛妻胡氏

在室時事父母以孝及歸湛事舅姑克盡婦道爰炳宦粵東思慕成疾湛遠遊

不歸胡支持門戶日供舅姑甘旨戚黨咸稱其賢孝

桐鄉縣

國朝

施德溥妻錢氏

姑歿哭死至再子增諸生女適受少寡歲饑糟糠矢節並由母訓桐鄉徐志

沈昌宏妻李氏

年十九歸沈孝事舅姑夫病禱神願以身代夫起李無疾而逝年二十五新纂

孝女

嘉興縣

宋

楊孝女

無兄弟事父母至孝既笄欲嫁之女曰女恨身不為男為父母持門戶何忍棄少母他適耶侍養終身及卒鄉人立祠祀焉 劉志 宋張堯同楊姑廟詩 孝德衰陵久天然與眾殊生男不能養應合愧楊姑

明

徐孝女

名于澗孝廉徐榔臣女性至孝祖母潘有疾割股療之愈崇禎丙子父臨試得疾刺臂血和藥籲天願代父病愈踰年于澗卒 年僅二十四 嘉興何志

國朝

金孝女

性至孝幼時割股救母病後適生員吳璜年二十八寡晝夜哭成疾家貧力疾養姑越五年卒 嘉

興何志

角里二孝女

失其姓或曰姓吳氏康熙間人父早歿無兄弟家貧二女鍼黹養母常不給庭中忽生通

草數叢人咸異之隣有宋時靈光菴已毀惟觀音堂僅

存二女嘗禱之俄有五色蝴蝶自堂中習井出飛至于

通草上二女于是劈通草紫蝴蝶花鬻以奉母且重塑

觀音像于堂中母卒二女長齋奉佛未幾相繼歿通草

隨萎人咸謂

孝感所致云

書

莊孝女

父患項疽幾殆女割臂肉煎湯以進疽愈越四十餘年子如金繪圖以誌母行年九十三卒錢陳羣

題許母莊孺人封股圖記女未行而持節于家謂之貞

親有疾而剔股以進謂之孝然則歸熙甫之論與昌黎

韓子所譏一據曾子問一援孝經不敢毀傷之義彼皆

非歟解之曰聖人立教以中庸為歸則熙甫貞女論昌

黎譏王友貞不當旌是已然事有出於賢者之過與愚

者之不及則君子亦進而許之以敦世礪俗蓋人子不

幸遇親疾醫藥罔效思所以已親之疾者無所不至雖

肢體有所不計而違計人之訾議耶同里許母莊孺人

幼有至性予嘗耳其封股愈父項疽一事閱今四十餘

年孺人不足以語人今子文學筠棗為圖以誌介其外弟

杉屋廣文請題予樂聞里柳善事每怪世

杉屋廣文請題予樂聞里郇善事每怪世  
之論列貞孝獨行輒多責備因推論之

李孝女

李鴻源女名祥芝性純孝喪母哀毀過甚遂得疾  
卒女幼能詩臨歿呼其婢悉焚之其遺稿中有傷

母諸什至性流露秀水諸錦亟稱  
之為賦詩題其後見李氏家乘

陳孝女

生員陳肖克女肖克患奇疾醫藥無效女割左股  
以進疾頓愈越十二年肖克又病女時已適陸氏

歸視父病已革矣又割右股以進不效  
女痛哭幾絕見者皆流涕年八十三卒

金孝女

金輅女年十五母病劇女焚香籲天願以身代母  
病漸減逾半載母復病而歿女絕粒哀毀屢致暈

絕父曲慰稍進飲食事繼  
母亦孝尋以勞瘁成疾卒

朱孝女

年未笄父病篤與兄妹先後割股療之後適生員  
汪燾為繼室撫前女愛逾已出未幾夫亡無子以

從子聯增為嗣  
年五十一卒

周孝女

名文姑鍾帶鎮人監生周豐垣女性純孝立志不  
字以事其親親沒後終身茹素有餘慕焉兄子璉

二歲失恃撫育之年三十四卒

李孝女

生員李雋女年十九母病劇女泣禱于庭取小刀剖股肉和藥以進疾遂愈後適沈逢事寡姑並以

孝間年二十七卒以上新纂

秀水縣

書

明

徐孝女

徐全女早失恃父疾醫藥罔效遂剖左股以療之父得愈女痛楚幾殞後亦愈

劉志

國朝

姜三姑

姜撫躬女母患目翳三姑以舌舐之長嫂沈氏目盲仲嫂邱氏癱疾俱不能操作三姑于是願侍父母

母孝養終身乾隆十七年旌

宋孝女

九歲父患背癱甚篤晝夜號泣顛天求代夜夢神曰若父毒發于腎非藥石能療汝能吮之當愈驚

寤即以此手舐之毒漸平嫁與翁人亦稱之

寤卽以舌舐之毒漸平嫁  
鄭典孝女 共翁人亦稱之

諸葛孝女 九歲失怙母病剖股和藥飲之而愈早年苦節  
訓子入泮晚奉佛繡千佛幢精工如畫 以上

吳志

歐陽孝女

麟女監生沈兆基妻也在室時剖股以療  
疾得愈兆基妾謝氏侍兆基母水氏病竭

力扶掖  
臂手烹

明口水病瘳而謝臥不起其嫡歐陽詢之

日寒疾  
主母知

入明日嫡密覘得其實則懇曰萬勿言恐老  
傷厥心也與嫡相持泣比水愈嫡以告復相

持泣事  
乾隆二

沈孝女

沈益堂女十餘齡時父歿蔬食三年母病腹瘡劇  
剖右股煮以進得少瘥又劇復剖左股母又患脾

泄醫云嘗矢甜苦可卜生  
死女 吳紹曾有傳

王孝女

潮季女適徐泗英為室丁未夏省視母疾不離  
牀褥者二旬疾革矣女將剖股而母已氣絕憑棺

長慟遂邁疾歸呼號七日夜而卒學使朱珪給壺孝可風額

陳孝女

陳珩女董廣淮妻也母朱氏年逾八十患痰症醫藥罔效女籲天禱泣割股調藥以進母疾得瘳

陳孝女

陳經猷女早失恃父疾割股調藥者再許字孫淵鑑未嫁而卒

金淑媛

金杓女杓生媛而卒一日母病媛焚香禱天割股以進越歲母卒哀毀骨立後適新陸范氏思慕其

親時飲泣年二十九卒



朱孝女

割股療父疾外祖母馮病篤亦割股療之後適陳樞亦以賢孝稱

陸孝女

各貞父患疾甚劇貞到左股肉和藥以進疾漸瘳以上新纂

嘉善縣

明

陸孝女

各喜貞父澄疾割股愈之疾又作女乃割胷剜肝羹以進澄覽之不食疾輒愈女亦無恙趙圖



記 案喜貞舊浙  
江通志作嘉貞

徐孝女

徐遠女年六歲母患臙瘡女問母何以得愈母認

不得聽之吮數日

果愈明史列女傳

官

鄒孝女

鏞女家貧每夕焚香祝親壽父  
厄疾到股以進父隨愈 劉志

姜孝女

若冲女年十九父病割股和藥病立瘳邑令徐  
儀世表曰蘭閨純孝適舉人朱國望為繼室親操

圖

井日訓諸子  
成名贈孺人

錢孝女

性至孝父貧病饋養終身及適沈懋德以弗獲  
逮事翁姑每飲涕泣訓子保業邑令某表之

陳孝女

父育奇病劇女時年十四鬻絲縷購神香朝夕跪  
中庭籲天祈代父病痊而女竟死 以上褒祀編

國朝

蔣孝女

刺臂肉以療父疾後適錢念  
永事翁亦盡孝敬兼以節著

嘉興府志

卷六十三 列女一

宋

趙孝女

少有至性母病癰疽委曲調治十年始愈後適諸生劉傳彪孝事重闈姑病久侍湯藥無倦容傳彪

亡教子學謙游庠年八十二卒

汪孝女

汪楠女九歲母病顛神祈代祖患疽舌舐而愈適閔耀麟事舅姑亦盡孝年二十四生子錫璜以積

勞致疾卒

柯孝女

寧夏道鄧枝女適監生錢鈞一載而亡痛不欲生舅姑慰勸之性至孝念父遠宦縫衣寄書孺慕深

切及父卒聞訃慟絕移時始甦盡典衣飾經營葬父歲時祭祀伏地哀號鄉里稱之

郁孝女

父振宗年六十七病危女方十齡欲剖股進藥為母所阻乃朝夕顛神延父壽父感異夢疾漸愈年

十八將適孫姓恐離膝上戈志

張孝女

年十九失怙母姚欲以死殉女慟哭慰勸遂誓不字以養母時大疫母病篤女到股和藥病立愈次年復病醫視之轉劇女匿匕首將剖右股投藥鎗鎗裂女奔告其叔叔精于醫診脉與藥相反易方乃安人以

為貞孝  
所感云

陳孝女

名慶姑陳枚吉女母病侍湯藥經年衣不解帶母  
歿欲自經家人救免遂誓不嫁年六十六卒

上新  
纂

海鹽縣

國朝

陸孝女

父應雲捕卒也謫戍嶺南道死女年十四聞之晝  
夜號泣遂絕食數日卒貧不能殮里人義之捐資

殮焉見節  
孝備采

洪孝女

父完字無子赴任建寧府廣實倉大使八年音信  
杳絕女呈縣印給護身批文訪至任所倉役皆云

順治四年身故指  
引認的抱骨歸里

許孝女

名懷瑜父惟崧病女年二十四割股以療明年父  
病復發又割股以進後適同邑田士正為妻以

上海鹽  
續圖經

徐孝女

年十六而孤母顧遺腹生子女念兩姊俱已適人  
務得懽心撫弟成婚得一姪而弟又  
亡撫姪彌篤現年五十七  
新纂

平  
縣

書

明

圖

馮孝女

事母以孝後歸顧乃言未幾夫亡誓死守節奉姑  
曲盡孝愛姑死後以母病籲天請代竟以疾亡

平湖  
程志

國朝

浙

胡孝女

孝事父母嘗醫療疾後適諸生李儀  
儀歿遺孤三齡撫之成立  
吳志

屠孝女

屠宏和女五歲父母相繼歿日依柩側涕泣悲悼  
寢處不離者三年長適州同知徐青選孝事舅姑

晚年親為父母卜地營葬並建祠置田膳

晚年親為父母卜地營葬並建祠置田贍祭終身孺慕有古孝女風 平湖高志

黃孝女

字惠雲 漢女年二十二 漢沒哀毀踰節依母反

老矣兄亡弟幼誰歎侍膝下者遂矢志不嫁奉母終身年六十四卒

黃孝女

農氏黃梅柏女有三妹一弟先後歿女念父無子願終身不嫁侍養父母父疇隴畔女往盥餉見

農器輒親自負重乾隆丁酉父病瘡躬侍湯藥衣不解者經年父歿慟絕復甦喪祭盡禮母張年老多病扶掖不稍懈年七十二卒

以上平湖張志



吳孝女

母裘氏病女晝夜侍奉不倦病益劇倉皇無計遂割股煎湯以進母病尋愈時康熙庚寅三月也

王孝女

王士哲女士哲歿子令讀書力學越四載歿無嗣女年甫十一母鄭年四十四母女相依為命稍長

母欲為擇婿女悼兄早世母老家貧不忍離膝下矢志不嫁親操井臼以奉母母多疾飲食藥餌皆女調護母卒女年四十一哀禮交盡既葬除服仍守前志依姪國昌以居年九十四卒

曹孝女

曹迪前女幼時父母有疾飲泣不食願以身代年

二 二父卒哭盡哀時母孫年老多病飲食湯藥

非女不也女遂矢志不嫁奉養其母臥牀二十年頃刻

不稍離比歿女年四十一矣營室墓傍廬墓終身家故

貧兄靈臬文臬為授田五畝年至六十

徐孝女

小字催姑監生徐宗枚女至性過人父邁疾焚香

祝天願以身代病尋愈比長以母屠年老矢志不

嫁奉養其母代理家政數十載井然有條撫

弟妹篤友愛年四十七卒以上平湖王志

趙孝女

趙士華女性純孝年二十二遭母喪哀毀骨立弟

錫璣方四歲女憐其幼矢志不字以撫育之歲戊

寅父歿錫璣早世女又偕弟孟撫其子永

成成立辛勤操作終世不渝年八十卒

許孝女

小字寧姑監生許烈之女三歲失恃比長父為擇

婿女泣告諸姑曰我早喪母賴我父提攜以至子

今我于膝下不忍離也諸姑勸諭再三輒毀妝以見志

父憐其意因却聘焉父年七十餘境益坎坷而孝女奉

侍愈謹父歿哀毀得疾年六十三卒

戴氏二孝女

農民戴秀山女長曰有姑次日如姑父早世時弟筠芳甫十歲二女矢志不字以事嫠母

趙氏二女繼以及紡織之事俱身任之弟長佐母為娶婦葉玉一女葉亡繼娶馬弟遺疾卒越明年遺腹生子聯元馬旋他適二女撫其姪一如其弟焉歲庚戌母卒二女為孺子泣哀毀不欲生見者俱為動容計其前後數十年經紀四喪又嫁其姪于楊今聯元亦將畢婚矣戴氏一綫之延皆二女力也有姑現年五十九如姑現年五十二以上新纂

石門縣

國朝

聞孝女

名璞父仕滇南璞從之諸兄歿父母倚以侍養歸里年四十餘矣父歿家益貧紡織以養母年七十

餘病癱卒

莫孝女

名靜姑莫維周女七歲母病晝夜侍側比長母沉痾不能起女即自誓不嫁以奉湯藥歷三十餘年

嘉興府志

卷六十三 列女一

三

庭前有香椽樹人枯母嘗歎曰吾病似此枯樹豈能再活耶女聞之旦夕向樹默禱不兩月忽發萌芽生枝葉未幾母病竟愈人咸異之女年八十二謂其弟曰吾死幸葬吾于父母冢旁言訖而卒 以上新纂

### 桐鄉縣

### 國朝

書

### 張惜惜

張乾之女五歲喪母無兄弟父女相依十載父得痼疾女侍湯藥甚謹父病篤目不交睫者逾月度父病必不起恐以已貽父憂預為父整衣裳告其父不食先父死又具數日糜以遺父越三日其父死友人葬于其先塋而以女附其旁 舊浙江通志

### 王孝女

諸生丁時春妻也年二十一寡長齋矢志父允晉老而病女奉侍湯藥不懈及歿痛哭不已繼之以血遂卒 桐鄉節烈志

### 仲孝女

監生仲雲章女母病篤到股暈絕為姊妹所覺以告母母不忍食遂亡女以哀毀尋卒



徐孝女 性至孝生員孔廣田妻也父國昌病女割股以食  
父歿欲以身殉食銅片不死屢就縊又不死遂成

心疾年三十三卒

沈孝女

父母年老無子曲盡孝養時有沈孝女之稱後  
吳燦年二十五寡遺孤鑄親課之旋妖又撫從子

驚後  
以上  
抄纂

浙江圖書

嘉興府志卷六十三

以十附纂

武季文

吳縣年二十正寢散履識賊騙之劫取父懸賞于父母年未幾年曲盡孝養亦武季文之辭對也

十三卒  
心辨年三

斜季文

父歿始以良飯食雖其不亟屢掠盜又不汲汲也  
封至季生員其費田幾出父園昌諫文贈知

江圖書館

嘉興府志卷六十四

嘉興府知府 伊湯安 重輯

列女傳二

烈婦

嘉興縣

漢

許升妻呂氏

呂氏女字榮升少為博徒不理操行榮躬勤家業奉養其姑數勸升修學流涕進規榮父

積忿疾升呼榮欲嫁之榮歎曰命之所遭義無離二終不肯歸升感激自厲乃尋師遠學遂以成名尋被本州辟命行至壽春道為盜所害刺史尹耀捕盜得之榮迎喪于路詣州請甘心讐人耀聽之乃手斷其頭祭升後郡遭寇賊欲犯之榮踰垣走賊拔刀追之榮曰義不以身受辱也遂殺之是日疾風暴雨雷電晦冥賊惶懼叩

圖書館

頭謝罪乃殯葬之後漢書本傳後刺史增其冢於嘉興郭里名曰義婦坂太平廣記糜府君聞榮高行遣主簿祭之又出錢助縣為冢于  
嘉興郭里墟北 柳志

宋

何士誠妻楊氏

殿中侍御史楊大法女結禱未及期夫病

日矣疾革復曰不幸無後前言不必遵也言訖而瞑楊哭之絕而復甦嘔血數升勺水不入口者三日未幾竟赴河死慶元元年覈實建坊顏曰貞烈其河名何母涇 舊浙江通志

元

趙六妻羅氏

名愛卿性識通敏工詩詞歸同郡趙六執婦道甚恭居二年趙子入都求官畱愛卿奉母

未幾母病孝事甚謹母歿哀毀踰常治喪葬甫畢張士誠陷平江苗軍帥楊完者拒之於嘉興不戢軍士大掠居民趙屋為劉萬戶所據將納愛卿愛卿知不免終以甘言潛入閣自經死 嘉興湯志

明

張昱妻彭氏

字妙寧父公衍鍾愛之館昱為甥未幾夫疾且革彭曰妾與君同年生必期同年死苟不

幸妾下忍獨存已而夫亡自殮而殯日夜號哭痛絕者

三自盡者再姑皆挽奪且泣誠曰吾年老爾兒幼且病

忍象拍邪乃奉姑命調護其兒兒愈遂絕食死夫妻

皆年一十九子璟方九齡焉 呂原彭氏貞烈傳

馬輿繼妻沈氏

貞靜有至性夫為漢陽守以壽終沈年尚少無子悲啼不絕聲者八日自經死

顧蹕妻梅氏

父江擇壻得睦第進士為給事中早卒梅不食死 以上續文獻通考

董壽妻王氏

名桂芳年十七適董踰年夫病革屬以更適桂芳誓以死殉夫亡其母湯亦寡居命女歸

同處桂芳不從母固強之歸一飯哽塞不能下咽還過

宣公橋顧其母曰河水清冷可就死母懼抱持之乃止

至家即麻經自經死知縣洪範營葬于鹽倉橋

北撰墓表嘉靖中佃為民居移窆於清真觀榜

六烈婦

周聰妻金氏沈茂華妻吳氏汪志妻婁氏顧惠妻金氏吳銓妻沈氏徐胡妻費氏皆遇倭寇投水死

徐尙友妻馬氏 年十九夫亡痛夫早逝自縊柩前  
邑令何源手撰祭章親臨拜奠

賀德修妻朱氏 年二十八夫亡即日服  
毒自盡 以土劉志

馬裔道妻張氏 年二十二夫亡哀毀自  
經柩側士紳歌以挽之

顧之球妻薛氏 嫁期月夫以禍死屢欲自盡母防閑之除  
夕母歸即縫衣自縊巡撫李邦華題請旌

曰貞烈



汪桂奇妻沈氏 年十九適汪貧甚未一月夫亡沈嗚咽不  
出一言視含殮越三日舉柩沈始出聲士

呼天者三俟暮  
人靜自縊而死

包勇錫妻楊氏 夫疾楊禱于神願以身代夫亡楊遂飲  
毒死良久夫甦疾漸差終身不再娶

周某妻方氏 年十九夫亡無子鍼指自給依其弟居苦節  
六十二年崇禎十七年聞變羣遷方慟泣兩

死日

陶本立妻陳氏 乙酉城將陷有已嫁女十三姑者遣使聞

陶本立妻陳氏

乙酉城將陷有已嫁女十三姑者遣使問

三姑即服酒死城潰陳即向庭中井跳入婢紅梅與陳幼子亦赴井隣婦之從死者十有三人以上吳志

徐爾毅繼妻孫氏

爾毅為不麟恩撫子以湖寇波及死于江寧孫聞夫死一女在抱棄之赴水死

立而不仆橋李往哲續編爾毅遭禍繫獄知不免以書報孫曰我悔不從父死以至今日汝宜早自為計孫得書閱竟太息曰夫復何言于夜伺媪髮睡竟出赴水死計至獄中爾毅設位哭之時同繫者競為激楚之音嘆忠孝節烈萃于一

家云 嘉興何志



徐士模妻陸氏

無子生二女明未兵亂陸攜其女誠曰男盡忠女盡節分也倘遇不測無苟貪生已

而避居俞家村盜至陸拉其女及婢投河死 舊浙江通志

李士標妻沈氏

士標授山東寧海州州同崇禎壬午冷口兵圍州城士標督守盡力癸未春病卒城

遂陷妻沈率其妾婢同日死之 嘉禾徵獻錄

張某妻沈氏

年二十一適張未半載遇亂避兵陶墩遭掠持刀自殺守者奪之乘間投河越數日雷雨

尸浮至門顏色如生首背刀痕深入而上  
下衣縫牢密夫感其義為僧  
嘉興何志

沈華區妻潘氏

明末流寇至硤石掠婦女數十人潘亦被掠至王店泊舟慶豐橋潘乘隙赴水寇怒

遂刃于水時人哀而殮之

梅里志

國朝周貧沈

烈婦傳烈婦潘氏硤石沈華區妻也乙酉八月被俘舟

泊王店西塘口伺卒他顧突躍赴水中旁一卒就水鉤

其髮又一卒挽其衣提之拔刀指曰斫汝斫汝言未既

而烈婦又躍入水一卒取茅絞縮裙裾而上水血淋漓

同俘諸婦女皆掩面不忍視前拔刀者怒斫之中肩烈

婦且呼且躍終捨入水持刀卒怒甚擲刀取長矛刺水

中連數十創血沫湧上水為殷挽視之氣絕卒欲磔其

屍兩崖觀者為乞請乃舍去後遂名其處為烈婦津

案沈烈婦海寧州人從浙江通志之例以死節處及葬

地為斷載入嘉興并見山水門

國朝

呂大經妻蕭氏 夫亡 頌命 乾



呂大經妻蕭氏 夫亡殞命乾  
隆五年旌

盛濤妻畢氏 年二十七夫病垂絕畢潛飲鹽鹵死死四  
而夫歿許王猷撰傳乾隆二十九年旌

王添南妻陳氏 里有無賴某嘲其夫出調之陳斥罵隣里  
為之解免陳羞忿莫釋投繯自縊死時年

二十夫鳴于官寘某于  
法乾隆二十九年旌

丁來修妻王氏 王庭曾孫女年十七適丁七載夫亡無子  
王椎心嘔血日婦所天者夫也今已矣生

何為遂投井死乾  
隆四十八年旌

生員徐宸烜妻吳氏 夫亡無子吳慟絕既甦經紀棺衾殮  
畢潛赴內室投繯死時年二十五乾

隆五十三  
年旌

吳源溪妻沈氏 康熙戊午夫亡遺一男一女翁貧甚欲嫁  
之沈矢志不移癸亥六月望夜沐浴整粧

與隣嫗談笑  
更餘潛縊死

鄭叔文妻李氏

年二十一適鄭鄭病瘵成婚四十六日寡歸依母居有謀奪志者李覺謂母曰兒在

終為人所覬悔不當時早殉泉下是日夜半竟服瀉死事聞邑令許肇起攝媒笮之表其閭曰勁節維風

史義堅妻談氏

年二十一夫亡誓即從死姑曰汝無子然有從子當撫之閱四載而應繼者殤談死

志益決遂營葬其夫既葬之明日沐浴整衣自經死時雍正七年三月二十三日也以上浙江通志

侍郎張天植妾王氏

名湘貞天植被逮王同眾妾史蘭若張蘇淑裂帛作小楷寄詩以死

李詩繫

烈婦李氏

李延初女歸某氏既寡依父母以居屢勸之再適不從一日媒氏來父納其聘即于是夕服瀉

死

王賡堂妻沈氏

年二十六夫亡翁耄姑病一日村嫗誘之至同里胡某家嫗已與胡預約將逼成婚

沈大怒不從立胡庭中大哭三日三夜族人聞之急迎歸適遭姑喪一慟嘔血數日卒

張周官妻張氏夫不得于其母服毒死張號慟欲殉以方

張周官妻張氏

夫不得于其母服毒死張號慟欲殉以方有娠不即死其姑屢諷之嫁不聽潛通媒

灼勒嫁于隣村某氏子張從舟中躍入水以救免潛將衣裳及卧被一一密縫絕食七日旋服鹽滴恐未速死

復投環自縊而絕

魏三妻周氏

年二十適魏夫亡之日誓欲死殉適產一子遂強起乳哺未幾遺孤孺周即自縊年二十

二去夫死纔四十二日

曹勝叙妻沈氏

年二十歸曹夫患羸疾亡貧不能殮沈拮据喪事慟哭不絕聲數日尋有諷以改適

者沈度不能免將所生女棄于人欲投河死以救免越日闔戶用又袋繩自縊死年止二十三

王運乾妻黃氏

年二十八夫亡止生一女于乾隆四年六月二日送夫殯回家投環死

史昌期妻張氏

年二十一夫亡撫孤至弱冠又歿翁繼逝張自經死

沈吉昌妻王氏

年二十三夫亡將引刀自裁翁奪刀防護一旬竟絕食死

孫某妻程氏

夫早亡無子翁姑欲奪其志遂投河死陳處士其源合伍烈女賦雙烈詩

陳安如妻陳氏

年二十適陳生一子甫四歲夫亡踰七年子溺死陳夫慟遂自縊于夫之柩旁

莊元暉妻汪氏

年二十三夫亡奉姑十年姑歿服毒死

姜璆妻徐氏

夫亡徐嘔血數升幾至殞命無何遺孤又歿遂絕食死

朱愷中妻崔氏

年二十三夫亡日夕慟哭絕而復甦者數次不數日嘔血死

魏仲升妻周氏

年二十一夫暴亡越六日舉一遺腹子而月又殤周大慟曰夫死有子子死復何望

耶遂闔戶自經死乾隆五十五年十一月事

金葆魯妻王氏

夫亡王哭而死既甦不能哭血淚迸枯數日死

李鉉妻錢氏

夫病錢不食夫亡錢血淚交噴長號而死同里王焯撰金李二烈婦合傳

汪亨妻吳氏

年二十六夫亡遺姪未產吳慟哭擗踊踰百日胎墮吳痛甚兩次投縊為婢救免莫念宗

祀無托晝夜痛哭乞宗族立夫之從子循泗為嗣于是  
哭告于夫之靈曰夫今有後可無憾矣遂闔戶絕粒旬  
日死以  
上新纂

秀水縣

明

陳貴妻李氏

甲寅倭變李抱幼女走倭追及遂身入水倭  
急持其髻李孤倭手濡血倭怒以刃抉其首

擠之水詰旦母女相持浮  
出水次 西浙名賢錄



丁鳳鳴妻楊氏

年十五適丁越二年夫亡舅姑火其屍當  
烟焰熏灼時婦捐軀救之得免既而欲奪

其志乃自刎喉不絕如縷家人傅之藥楊搔藥斷喉  
死郡人賀燦然葬於杉青道旁 朱國祚丁烈婦傳

張龍德繼妻侯氏

乙酉城破龍德死于金陀坊項氏之池  
亭侯投河死 欽定勝朝殉節諸

錄

項嘉謨妾張氏

嘉謨棄官歸城陷率二子翼心及妾張氏投天星湖死嘉禾徵獻錄

高穎琦繼妻徐氏

乙酉城陷穎琦激烈櫻刃死徐語三女曰不可辱身以悖汝父先推墮三女子

井卽自投井死又張次

柳妻某氏城陷自縊死

王鯤妾張氏

鯤死張抱幼子乳名蓮觀投井死以上明紀編遺

徐世淳妾趙氏倪氏肇樑妻張氏

世淳守隨州流賊陷城不屈死妾趙氏亦罵賊

死賊并殺其幼女申姑妾倪氏匿叢篠中得免出赴屍所痛哭扶襯以歸年二十七守節三十餘年子肇樑殉

父難其妻張在母家守節乙酉城陷密縫衣襦自經死

袁煇妻呂氏

明季兵亂呂竊煇匕首佩之一日舟口遇兵遂赴水兵以鈎攬其髮呂出佩刀截髮乃沒

更三日屍浮

煇收葬焉

錢淳妻曹氏

明季兵亂淳他往隣婦拉曹以逃曹曰我寧死耳遂抱幼女赴水越五日淳歸得屍面如

生...女不釋淳感泣不

生二女不釋淳感泣不復娶 以上浙江通志

舉人黃季瀚妻胡氏

乙酉同夫避難胡被掠給兵緩行投河死

蕭烈婦

居郡學後明末兵欲汙之不屈投學井死人呼其井曰烈婦井

錢世茂妻陳氏

乙酉兵下有數騎散入于鄉陳見卒驚避卒追之陳抱二歲子將投水卒大呼救人

有高僕從傍舍出陳付子於僕遂赴深淵死時年三十四 以上吳志

國朝

郭大娜

農人郭聖嘉女年十九未字大娜執爨廚下傭人仲二匿暗中欲犯之大娜堅拒大呼父母繼至哭

訴憤恨隨入房自縊死康熙六十年 旌

張超倫妻葉氏

夫亡絕粒誓死翁姑及父母泣止之姑以哭子喪明葉日以舌舐乃復明次年寒食

葉哭奠其夫至半夜徐起整衣自縊死時年二十五乾隆三年 旌

鈕禹聲妻沈氏

年十七適鈕甫三載夫亡姑痛絕未蘇沈卽自經以死乾隆十五年旌

江纘祖妻汪氏

年十九成婚月餘夫亡汪一慟幾斃時翁姑無人侍養汪佐翁姑爲夫弟婚娶行禮

旣畢從容語曰高堂侍奉今有人矣乃扃戶自縊鞋膝等物無不密縫年二十三乾隆二十三年旌

吳雲海妻胡氏

濮院鎮白雲兜人年甫十歲爲養媳十六歲婚越六年夫亡伏屍悲號措辦殯殮畢

卽自縊死年二十三乾隆三十二年旌



王馨懷妻劉氏

夫亡具含殮畢從容語曰本計隨殉泉下但夫弟遠客漢陽得其成婚以延似續我

志乃完于是竭歷葬其夫子翁姑穴傍夫服將闋聞夫弟永錫已就婚陶氏劉卽拜送夫主入祠闔戶投環死

乾隆三十年旌

周鼎鍾妻吳氏

夫亡殉死乾隆四十年旌

張元洪妻葉氏

年二十二適張踰年夫亡欲絕食死舅姑強之欲飲鹽滿舅姑覺而傾之一日家中



失火欲自焚死舅姑急呼而山之乃于  
明年正月乘間自經死時乾隆三年也

案葉氏亦載吳江縣志別錄內葉工詩文著有霜閣吟  
一卷曾以節烈請旌建坊於王江漕坊已丹毀宇蹟

模糊年分無考附識于後

鄒之屏妻孫氏 乙酉變起倉猝孫恐受辱赴水死越  
數日屍抱石椿不仆酷暑面色如生

俞瑞字妻張氏 順治初城破一卒欲汙之抵  
死不從竟自殺 以上吳志

仲晉妻金氏 年三十九夫亡誓以身殉  
號慟不已絕粒七日死

邱永侯妻顧氏 夫亡無子紡織養姑里豪施某欲逼之嫁  
顧躍身投河隣人救甦遷龔家浜康熙庚

午六月復有里豪張某利黨謀娶顧佯允諾梳妝  
整衣閉戶自縊邑令任之鼎給扁曰節烈可風

沈光裕妻項氏 夫亡哭臨畢扇戶服瀕死  
歸沈四載夫病篤以死自誓

范介如妻某氏 年二十四夫病瘵亡  
號痛絕粒三日死

陳向高妻虞氏

年十八夫亡屢欲自經舅姑曲諭之乃佯應諾終日涕泣不離殯所未幾竟絕食死

丁元德妻周氏

夫亡哀毀目盲終喪即絕食死 以上浙江通志

袁福生妻李氏

年十八適袁九月夫亡痛哭投繯救甦藏滷一罌急仰之灌救又不死未幾嘔血數

升歸別父母父母強留療治疾篤曰兒欲歸死于袁起而仆嘆曰不能歸矣奈何遂卒

陳琦標妻沈氏

年十八歸陳甫六載夫亡越七日遺孤復

之翌辰如少懈遂闔扉自經年二十三 以上秀水任志

金某妻徐氏

名婉永豐里人父楫太醫院判納同里金氏子為壻三月而死楫貧甚謀更嫁之婉泣然

不語入戶自經父母救之甦自是茹蔬飲水或竟日不食明年丁酉元日語其弟曰余今日死矣女子喪其夫

義當死顧父母貧汝好讀書做男子事也是夜卒 楊園全集

史某妻談氏

年二十五夫亡于葬夫之明日赴水死 張甫集

小昌胡妻陸氏夫病親嘗湯藥每夜祝天滅己算夫竟

卜昌期妻陸氏

夫病親嘗湯藥每夜祝天減已算夫竟死陸服鹽滷自盡年三十五卜氏家乘

吳時達妻嚴氏

年二十五夫亡水漿不入口數日誓以死殉服鹽滷盡許家人急救得活越三日衣

衰經自經死

徐大業繼妻陸氏

年二十二夫亡痛絕復蘇者數次越三日水漿猶不入于口翁曰婦至賢孝而

性過激吾恐其從死也亟以撫孤之義曉之陸懼然聽命復進飲食越六年遺孤孀于痘既殯陸大慟曰天不令畱此一綫而又殤之吾何用生為遂自經死年二十有七

陳經叔妻張氏

太平里人年二十八夫亡撫孤守節隣有惡少許五即許天若酌酒無行假賀節為

辭叩門欲入氏痛斥之許五穢言侮辱毀詈十餘日挫辱難堪氏忿激自經死縣勘未減不請旌表此乾隆

二十六年正月事也邑令孫爾周給貞心激烈額

王烈婦

年十九適王王故賣酒家也夫有癡疾始當壚屢以諷之不為動愈自謹守姑憾甚每食令不得飽

未幾有以重利啗姑將奪其志遂赴水死乾隆二十年六月某日也

沈天山妻徐氏 五龍坊人天山紡織為業乾隆三十年三月十八日土豪張圖良夏時蓮等斂錢賽

社不遂其欲因即糾眾凌辱天山氣忿自縊徐以夫死非命次日亦投縶死時年三十一邑令紀寅土豪于法

江天錦妻王氏 夫亡即絕食越五日營殯畢赴秀水鬼死

朱名遠妻湯氏 夫亡投井死乾隆四十八年某月事

烈婦吳氏 福建興化縣人嘉興協副將實誠妾也實誠臨歿謂其妻曰若年少無子我死善嫁之迨靈柩

將歸旗其妻為擇配伏于棺側慟哭一夜達旦自縊死

張長發妻張氏 年二十七夫亡即欲身殉因思夫柩未殯乃拮据營葬畢從墓上哭奠回家衣縗麻

死縊

陳江妻吳氏 夫嬰瘵疾結禱時夫已憊甚遂宿于姑寢越二十一日夫亡吳年二十五父母以無子可

依徵言以奪其志號泣數晝

依徵言以奪其志號泣數晝  
夜仰藥而死 以上新纂

嘉善縣

明

周阿香 農家婦也正德庚午饑夫與姑欲賣以自活婦誓  
不從數箠楚之遣有日矣前一夕赴水死鄉人具

棺葬焉

郁自魯妻馮氏 年二十六夫亡哀慟絕食居數月手書  
辭其父兄乘夜沐浴更衣從容自縊

曾巖妻張氏 遇倭不辱  
投河死

沈春雷妻張氏 少值倭亂舉家避難甫出門即遇寇執春  
雷之父將刃之春雷泣請代遂遇害時張

在舟中手抱一孩倉皇泣曰吾死兒安歸然吾不能以  
此身為賊污也竟赴水死時遇難死節者有孫三妻郁  
氏亦不受  
辱投河

許應鯉妻何氏

嘉靖中倭亂應鯉夫婦與嬸母馮氏同出遇倭何年十九馮年三十餘俱赴水死夫

得脫終身不娶

孫承祖妻嚴氏

年二十二夫亡止一女念姑老未即身殉姑歿及女亦嫁曰吾事畢矣遂不食死

許可遂妻吳氏

年二十二適許夫性孝母病割股和藥終不愈父娶繼室凌虐非常婦事益虔夫後

為繼母子所給浴于河溺死無子吳絕食不死旋服滿死

朱若達妻顧氏

縣役催科瞞君達遠出突入竈下舉手加顧頸顧旋入內室泣曰此頸可汚乎遂縊

死

陳時經妻吳氏

年十八適陳姑邁奇疾割股以進姑疾得起家貧夫游學在外蜀母病馳歸殞于道

比樞歸而姑亦歿吳泣曰已矣方寸裂矣遂自縊死年二十七

生員孫鉞妻盛氏

夫亡絕粒九日死以上浙江通志

河黃妻朱氏年二十四夫亡七日夜

何寅妻朱氏 年二十四夫亡日夜痛哭嘔血數升死

生員沈于道妻顧氏 年十九生子永春夫亡以紡織贍翁姑營殯葬年四十五語其子曰吾所

以不死者為若也若婚矣吾當從若父于地下遂不食數日卒 以上吳志

胡士毅 吳志作妻張氏 年二十三夫遠商不歸張以兵燹之際必罹于難遂一慟氣絕 嘉

善揚志 案明張氏喪祀編云夫兄之遇之憲徧訪上毅踪跡不獲張一慟氣絕夫之從子應宸奉其祀吳志

云士毅遠商不歸張晝夜悲號誓無異志年八十卒許譽鄉銘其墓鄭友元傳其事子光祖有孝行郡邑表其

門二書所載事蹟不同並存之以俟考

葉舒芭妻錢氏 乙酉師泊汾湖錢匿蘆葦中度勢不免遂躍身赴水死僕婦張亦從死 嘉善崔志

生員王明妻孫氏 年十九夫亡自經數四家人環守之不

泣辭嘔血 死 新纂

徐階荃妻金氏 年二十四夫亡哭泣三年服  
除次日自經死 褒祀編

謝旭超妻沈氏 夫亡誓以身殉  
絕粒七日卒

監生蔡照妻張氏 松江進士張榮源女年十八適蔡二十  
三照以暴疾亡張嘔血欲自盡翁姑勸

止撫遺孤培節至七齡張  
殉夫之志益決遂不食死

生員朱俞妻周氏 年二十夫亡無子慟不欲生舅姑曲慰  
之強進飲食延數月絕粒死 以上懿

編行

國朝

蕭敬明妻吳氏 年二十七敬明死吳率婢阿秀紡織自給  
敬明有女適錢仁之錢死于兵歸依庶母

順治三年猝遇 大兵吳偕女及阿秀  
抱仁之幼子俱投河死 嘉善崔志

姚氏二烈婦 姚佛子之妻及其子婦也斜塘沈姓被盜誣  
佛子父子下獄姚妻訴寃於某某曰汝婦姑

能死禍可免也翼日



能死禍可免也翼日  
二人竟赴水溺死

吳雲祥妻鄒氏

隣有強暴欲奸之伺吳他出遣人道意鄒  
怒而叱之迨雲祥歸鄒方訴及而強暴又

於門外辱詈婦恚恨自縊夫隨書數語于壁亦  
縊死遲數日方殮顏色如生以上嘉善戈志

徐保和妻魏氏

年二十七夫亡子殤家素貧姑將有他意  
亟歸依弟弟無家乃依舅氏舅亦勸他適

魏誓不從久之舅具舟送歸其姑魏知不免及劉家  
墳一躍入水死年三十三時乾隆戊子六月三日也

姜明周妻程氏

夫出外病亡旅店訃至程即投縊翁姑救  
止晝夜哭不絕聲絕粒數日死時年三十

陸彩衢妻趙氏

年十八成婚七月夫亡  
哀慟忘食竟以死殉

鄒坤和妻陸氏

夫亡無子椎心慟哭暈絕復  
甦而月嘔血數升絕粒自盡

陳徐鈞妻薛氏

年十八適陳夫目瞽薛不以咎成婚四載  
夫亡殯畢引剪刀自殉姑救之已絕髮矣

逾七載父兄諷以他適薛憤甚詣夫墓  
泣歸鍵戶不出舅姑斧門視之已自剄

李永妻郁氏 年二十九夫亡矢志捐軀殯葬畢遂絕粒死

金在鎔妻李氏 夫亡無子誓不獨生勺飲不入口有勸之者痛哭愈甚晝夜不絕聲越十八日死年

二十  
三十

黃紹鎧妻潘氏 成婚三月夫亡撫棺慟絕已而築兩穴營葬畢泣拜墓下歸遂投繯自縊年二十一

進士錢伯壘妾楊氏 年二十五伯壘歿絕粒七日死時乾隆辛卯年十月事

計振聲妻范氏 秀水諸生范荷尚女年十七歸計十九夫亡無子范痛不欲生因念夫之祖父在堂

姑洪又老病未忍殉死越五載祖翁與君姑相繼歿范經營喪葬悉如禮持服既闋適寒食范走祭夫墓號哭久之而歸踰十日夜分潛出投舍旁溪水死家人覺往救氣已絕顏色如生是為乾隆四年三月初八日也年止二十八吳紹曾傳有傳

孟世革妻黃氏 夫疾革誓以偕死夫亡痛絕數次翁姑前之曰婦死如遺孤何因泣謝及子已娶黃

曰吾今有以畢吾志矣子不解及晨失母所在急求之  
已僵立河中衣悉縫面如生距夫死二十二年矣乾隆  
甲寅年十月事

以上新纂

生員丁造錕妻金氏

陳邦達妻高氏

潘應城妻王氏

孫本勇妻朱氏

生員沈慶曾妻楊氏

以上五人俱早寡終喪捐命因嘉善新纂志不為列傳附識于後

海鹽縣

圖

宋

歐陽夢桂妾陸氏

夢桂蒲陽人早入上庠德祐間讐人執

柔母以柔許嫁張酋柔不從自縊于樓死海鹽續圖記

明

楊彥璋妻魯氏

名叔清父彥中徙餘杭而嫁其女于故堅永樂丙申夏倭寇犯海鹽武原鄉淑清被

掠抱一子未晬泣而委之曰幸天活我兒潮至遂躍入

水死年二十一所棄兒卒無恙趙圖記案海鹽文

獻志載魯烈婦生子彌晬元至正間倭劫城外置

兒路傍投海死與楊魯氏事蹟相同書以俟考

姚璣妻周氏

名福蓮周孟經女年二十一適姚甫四年夫

嫂處有富家求為婦者孟經許諾周覺之謂嫂曰我命

如此此足有再踏他人門限耶遂抱女不復置是夜與

女同溺死年二十七時宏治戊申

二月九日也張寧姚烈婦傳

向升妻王氏

年十六歸升甫一年升卒王殞地幾死設一

榻柩旁朝夕坐臥其上欲縊者屢為姑所止

姑憫其少欲奪其志王號泣引斧斷足以誓居一年姑

以從子某來為升後王念以叔為子焉能混處遂俟姑

寢沐浴整衣縊于柩側時嘉靖

戊戌冬十一月五日也年十八

海寧衛卒李政妻某氏

年十八歸李夫亡不寢食六日既

送葬即以孤子雲托夫妹自經死

步橋妻朱氏 海寧朱天宏女嘉靖二十五年正月遇倭寇

步橋妻朱氏

海寧朱天宏女嘉靖三十五年正月遇倭寇欲汚之不從抱幼子投虞溪橋下倭以鎗引

之起朱罵不絕口  
遂被戮母子同死

監生徐乾貞妻朱氏

明末避兵豐山夫他走朱病不能行婢商氏顧氏掖之伏林莽中兵見執

之誓不辱露刃脇之  
罵愈厲婢亦不屈死

生員黃一卷妻崔氏

明末避亂石馬山聞兵至先投幼女于池與長女躍入水死一卷受創危

急忽見崔撲面迎刃得不死越七日屍  
浮水出面有傷刃痕人咸嘆其靈異

郭乾妻何氏

年十九夫亡守節二十年明末兵至族人挈何避亂何不可曰死則死耳去此將安之未

幾兵至拒戶自  
經死年三十七

吳上舍妻童氏

婚一年夫亡守節三十餘年乙酉聞兵至即投河死

小康橋烈婦

與姑俱被執婦不行抱橋柱大罵受箭沉水死

生員陳惘妻蔡氏

乙酉夫遇游兵被執不屈死蔡聞變方痛哭兵又至即大罵投河死 以上浙

江通志

案陳蔡氏

明紀編遺載入秀水

乍浦千戶馬某妻嚴氏

明末夫死于戰兵見嚴色美迫之嚴大詈兵殺之二子哭罵不已亦

被殺節

孝備採

沈三妻某氏

乙酉被兵擄抱子投河死 海鹽續圖經

參將崔文榮妾郭氏

崇禎末文榮殉難武昌郭攜一子兩女赴河死婢僕從者六人 新纂

國朝

生員陳蒼永妻彭氏

名孫懿知縣彭長宐女蒼永少負才名嘔血卒孫懿曰必不令君獨死殮

畢不食數日死巡

撫祖光先奏旌

戴子亭妻朱氏

年二十三美姿容持身甚謹康熙六十一年五月初十夫入城市姑朱抱病臥牀未

晨起執爨傭人王雲卿調室無人強欲汚之朱堅拒罵

戴子亭妻朱氏年二十三美姿容持身甚謹康熙六十年五月月初十日夫入城市如朱抱病臥牀未

晨起執爨傭人王雲卿矚室無人強欲污之朱堅拒罵  
詈雲卿以刃斫死子亭弟尚幼聞聲出視亦被害俄而

隣里環集雲卿度不能脫  
遂自到當事題請旌表

監生洪琦妻徐氏

烈愍公會姪孫女夫亡時舅姑未葬力  
營窀穸除夕托夫兄夢吉撫孤設享祀

夫夜半自經死年二  
十四乾隆三年旌

生員郁仁繼妻趙氏

結褵彌月夫亡將及百日  
自縊死乾隆十年旌

陳潮妻錢氏

結褵一載夫亡無子屆百日哭奠  
畢即自經乾隆二十四年旌

郭紹衣妻李氏

年十九夫亡無子喪畢遂自盡  
經云嗣子逸堂重其貞烈具呈請旌因

附于已  
旌之後

楊廷煌妻朱氏

寇盜竊發避地豐山俄而盜至見朱有色  
殺廷煌逼取朱不從盜支解之至死罵

不絕  
口

潘文昇妻孫氏 紫雲村農女也舅姑早亡夫婦力耕自給生一男纔二歲文昇死孫年二十二夫有

叔二日升叔明叔明以錢粟日升無賴潛許嫁于鍾孫矚知即續麻為繩匿之一日日升來曰吾憐汝少已

善為汝地今夕當娶汝孫默不應設杯羹奠其夫自縊死有頃日升借娶者至披其帷已氣絕矣時康熙壬申

八月二十二日也去文昇死纔一月耳海寧沈珩有傳 以上吳志

張國柱妻徐氏 夫亡屢欲身殉越數月防者稍踈遂乘間投井死

查某妻馮氏 角里山人歸龍山查某伉儷甚篤夫死歲饑或勸令改適未幾委禽者在門即自縊案

海鹽續圖經云某烈婦失其姓氏今據吳曰夔物表亭集有馮烈婦傳云距澉浦之十里角里山人也方知烈

婦姓馮傳又云百年前有虞節婦者其所產之地與角里甚邇山川有靈鍾秀於女子如是曰夔于是深有感

焉此傳可補續圖經之缺因摘數語附于後

何劔威妻洪氏 成婚二月夫亡日夜哀號嘔血數升死

吳巨川繼妻朱氏 歸吳大後念夫未得子勸納前氏後與



何劍威妻洪氏哀號嘔血數升死

吳巨川繼妻朱氏

歸吳後念夫未得子勸納前氏媵婢蕙蘭為妾未幾巨川暴卒朱即縊死時年

二十八蕙蘭姓沈氏痛夫主主母同日慘死立巨川之姪紹思為嗣以終主母之志守節五十餘年

祝文圭妻方氏

夫病篤願以身代焚香告家廟奔赴外河死夫後漸愈無恙

汪兆琦妻金氏

夫亡自縊死

生員王建斗妻董氏

年二十七夫亡越五月遺孤又歿絕食旬餘端坐自縊

蔡某妻倪氏

夫亡家貧歸依父母父憫其少許嫁他姓倪偽為改妝閉戶自縊

魏烈婦

武林人乞食于海鹽夫病不起囑婦改圖婦不從先縊子而後自縊

祝文先妻張氏

夫病劇張願身代無何氣絕急投後池死張既死而夫復甦

馬宏敷妻陳氏

夫亡遺腹生子不百日而殤絕粒七日死

蔡敬佺妻倪氏

年二十七夫亡父憐其無依勸之嫁誓不從比娶者臨門倪更衣奠夫及入寢門已

列女二

氣絕矣

采昭妻鍾氏

年二十六夫客死子幼族有強為媒者遂闔戶自經死官以上海鹽續圖經

朱元勳妻張氏

母無子贅元勳在家張屢請歸見翁姑母不許越四載姑喪欲同夫奔喪又不許未

幾夫以哀毀卒張哭請歸朱守制其母僅許在家設位祭享張嘆曰何太苦若是即晚投繯死年二十五

生員孫源肇妻劉氏

適孫三月夫溺死劉投繯數次以救免越數年仍縊死時年三十三以

上節孝備采

黃萬榮妻崔氏

夫亡遺腹生子至八歲一日崔謂姑曰兒已長成可不必撫矣已而闔戶自縊死

王某妻韓氏

婚三月夫亡子歿王本農家且貧翁與其父母商嫁之而韓不知也娶者至韓駭且泣閉

戶破妝鏡更素衣自縊而死

李再梁妻姚氏

年二十九夫亡家貧無子守幃二十七日絕粒而死

馮東廷妻石氏 歸馮十年孝事翁姑夫大病歿

馮東廷妻石氏

歸馮十年孝事翁姑夫病歿即投河以殉時年二十八

汪烈婦

杭州人故海鹽令張九華之妾九華病篤以汪年

發喪遂引刀自絕時乾隆辛丑五月十三日也年二十

西并勒石以誌其顛末

生員巴泰來妻項氏

泰來客死于外訃至項大慟遂闔戶自縊死其妾錢氏亦即驚痛卒以

上新纂

平湖縣

明

陸姜妻俞氏

嘉靖丙辰倭寇至將逼其居夫適外出俞亟渡河深不可涉夫弟與僕欲援以手俞厲聲

曰死即死耳手焉可執竟溺死兩浙名賢錄

毛文光妻沈氏

遇倭寇投水死

馬維金妻趙氏

年二十夫亡欲絕粒以殉翁告以有孤在乃少進食姑病籲天請以身代姑竟不起

子亦歿遂不食卒 以上劉志

張一鵬妻趙氏

年十六適張夫業賈淮楚間得疾歸病革與趙訣曰吾死慎勿更嫁服賈者趙哽咽

不能語自指其心與其幼兒者三夫死子亦隨歿趙雉經死

毛徵妻楊氏

劉志作陸氏年十八適毛三年夫亡翁姑以家貧微諷易志卽益死

楊某妻顧氏

割股療夫夫喪三年畢遂絕粒死

過明堂妻陸氏

年三十一夫亡越四十九日自益死

生員俞王言妻馬氏

年二十一合香未幾夫亡哀毀絕粒三閱月卒

蔣元瑛妻鍾氏

嫁未浹歲夫亡葬有期請於翁姑作生壙姑不許及葬前夕投縵死 以上平湖程

志

王學古妻徐氏

明末避兵虹霓堰被執不屈死

生員俞光翼妻陸氏

明末兵亂被俘不屈引頸刃死懷有幼兒遶尸而啼猶吮乳不置奉詔旌

表

董學圯妻劉氏

年十六避兵鍾鎮遇兵艘於途劉躍入水夫悲痛亦赴水死以上袁志

劉苑妻張氏沈燿妻張氏

俱年未三十夫亡不食死

林泓妻沈氏林某妻徐氏

俱避兵逃竄沈被創死徐攜幼女溺水死

生員俞醒妻陸氏欽亮妻徐氏

遇兵俞家帶司赴水死

馬二妻楊氏馬某妻陳氏

居李墩兵驅之登舟投河死明晨與馬慕南孫婦陳氏二屍浮

出

生員楊春綠妻吳氏

城破兵欲汗之吳以手攫兵面兵以刀斫兩手去罵不絕乃割其舌復以

鎗刺之遂斃

時年二十

生員陳銘妻戚氏

避難吳滙兵執其夫戚號呼出救兵曰爾從我當釋爾夫戚遂揮手令其夫去

俟去遠乃隨行至一小橋自

投于水兵怒以鎗攢殺之

陸宏錦妻盛氏

兵至慧華菴側投于河身被數鎗死

費孟韜妻馮氏

與母孫遇兵並投松風港夫以手拯之曰不欲全我節耶遂溺死時年二十九

奚允佳妻李氏

聞兵變預縫衣襟刺一人字於臂以為誌兵至投水死

馮某妻陳氏

遇兵變母女被獲陳不從遂殺其母曰爾如之陳曰寧死如母兵連斫七刀而斃

石天球妻查氏

遇兵變與姑同避棘中姑目瞽頃之間曰兵過否婦急掩其口兵聞聲搜得之查與

之角時兵不挾刃持槌擊

之查終不屈久而始斃

程青子妻彭氏 年十九懷娠三月兵至大陸滙投河死

監生趙志宗妻岳氏 名緣雲年僅二十志宗亡遣之嫁弗肯遇兵不屈被創死子婦陸亦投河

死

周士馨妻郭氏 乙酉遇兵與夫同被執郭誑以取所藏金帛得脫遽躍入水死

貢生張豹烈妻俞氏 丙戌五月兵勦寇猝至俞與妯娌匿竹叢中被兵執俞攀樹呼曰若不速

殺我終奈我何兵怒斫一刀即撲于地呼痛者再遂絕趙韓為立傳以上平湖朱志

案浙江通志吳志平湖張志有張豹烈妻吳氏又有張蔚如妻俞氏今考張氏家乘豹烈字蔚如並非兩人書

以証舊志之訛

生員倪遷繼妻陳氏 乙酉遇兵投糖餅橋下死夫不忍亦投水死 吳志

曹季臨妻蔡氏 年二十五遭兵難攜幼子投日暉漾死 平湖張志

沈元圭妻顧氏

乙酉兵下躍入井中兵以刀環築之顧曰吾以頸血

濺若刃矣兵怒連斫數刀死

時年二十九

沈氏家乘

監生馮伯禮繼妻查氏

夫試京兆卒于外柩歸查以頭觸

我今得死所矣子洪業急負

出竟不食卒 平湖王志

推官陸燦妻孫氏妾王氏

崇禎十一年 大兵下濟南燦與張秉文等同守城城破孫與

王及子凡同死者

三十七人 明史

生員金鐸妻某氏

兵至將赴水為鈎挽起某乘間蔽兵一指碎血如雨且哭且詈曰願以吾頸償

爾指足矣兵

以刀刺死

林鴻妻沈氏

兵至奮身赴水兵循髮牽出乘其

防懈復投水兵大怒沈被數創死

生員孫鐸妻俞氏

兵至訛傳夫死俞痛哭恐為兵辱亟赴水死 以上山臥齋雜錄



國朝

李子佳妻陳氏

夫亡殞命康熙五十四年旌

生員卜錢瘡妻楊氏

年二十三適卜踰年而寡即欲自裁祖姑沈姑錢力阻之楊泣曰新婦罹

此大故願相從地下大人有諸叔奉養新婦死亦瞑目矣姑知其志不可奪防伺甚密寢食與俱元旦護者偶

踈闔戶自經距夫死九十四日歿後六年族人以其姪鳳城為錢瘡後

孫文炳妻何氏

年二十五夫亡將以身殉姑趙覺而潛為備月餘乘間投繯死以上乾隆二十五

年旌

監生陸銘鐘妻屈氏

年三十五夫以悼兒病歿上無舅姑下無子女誓以身殉父元瀛時唁之

屈恐傷父心痛突稍止手檢夫所服故衣與兄橋年屬之焚復親自扃篋笥示若無他意者退而語老嫗曰為我製新鞋吾將從夫以行嫗愚不解其故少間闔戶自經死距夫死纔一日族人議以銘鐘從子升泰渭熊為

嗣乾隆二十七年 旌

貢生胡世棠繼妻鄭氏 秀水鄭士球女年三十歸胡三載夫亡無子乃立夫從子德虹為嗣

登樓自縊家人救之弗及時乾隆二十九年五月十六日也距夫死纔一日是年題旌

監生張恃天妻姚氏 金山姚清賢女年二十四歸張未一載寡遺娠彌月數日而子生泣告姑

曰新婦心已死無力哺兒然呱呱者豕嗣所延願典嫁衣傭乳媪以育之新婦死亦瞑矣姑察其志遷守之會夫大殮乘間自經死

乾隆三十五年 旌

莊西成妻郁氏 隣人魏二圖姦不遂瞞西成他出持刀潛入連砍被傷數日而死並殺其子乾隆三

十九年 旌

汪南谷妻顧氏 夫逋朱貞宦錢貞官昏夜排闥辱罵顧氏受穢言次日自縊死時乾隆四十四年二

月十七日也年二十七是年題旌

讀女孝經女誠能通大義善事父母年

李載華妻徐氏

幼讀女孝經女誠能通大義善事父母年十七歸李李與徐皆蘭溪右族轉徙當湖

于歸時始陶疾已瀕危未幾死踰年舅明遠又死徐自傷不得侍養盡出衣飾營殮夫哀毀成疾不一載亦

死徐年二十飲泣撫孤踰時孤又殤徐託族人返葬三喪于蘭溪祖墓康熙乙未清明日哭奠其夫闔戶自經

死陸奎勳有傳以

王爾榮妻吳氏

夫負金陵客銅價客往索詬罵備至吳憤自縊死時順治庚寅也知縣劉秉鈞表曰

帷薄干城

沈敬山妻施氏

九歲撫于外祖沈思椿十七贅敬山六年而寡思椿貧且有癰疾欲施改適施不從

久之思椿益貧密擇富兒受聘隣人洩其言施遂服滿死時康熙己酉三月也

陸定徵妻曹氏

定徵為清獻公子曹年二十一適陸以賢淑聞甫一載夫亡誓以身殉竟不食死距

夫歿四十七日越二十餘年夫姪申昌生乃立為後申昌妻程氏年十七寡遺子壽甫襁褓尋殤清獻家故貧

至是日益凋落程苦志勵節父閱其貧與田十  
五畝俾給朝夕年五十卒 以上平湖朱志

清溪烈婦

年近二十隣有鰥者矚其室無人踰牆欲姦之  
婦力抗不從鰥以手扼其喉死令往相驗屍之

一手猶緊護下衣鰥亦在人叢中顏色  
沮喪一訊吐實寘之于法 西野筆談

生員沈昌祚妻鄭氏

夫亡哀號欲殉父母勸  
止之踰月不食數日死

顧紹武妻李氏

年及笄適顧未幾夫病奉侍湯藥凡數月  
日不交睫比卒哀號欲殉翁姑慰以善言

為立繼授產泣曰吾從夫死義也焉  
用此為母氏苦勸亦不聽竟絕粒死

陸其昀妻嚴氏

年十九夫亡慟哭一晝夜將自刎舅姑防  
護甚密乃絕粒七日死時康熙乙亥正月

也巡撫線一信學使  
顏光敷並表其閭

蔡永伸妻陳氏

年二十八夫亡子甫三齡陳矢志撫孤迎  
母同居會有妄人犯以非禮之言陳聞之

憤甚曰我不即死者以藐孤在耳今受侮  
若此何生為泣一日夜以子託母自經死

若此何生為泣一日夜以子託母自經死

陸天榮妻柳氏

年二十二夫亡守志撫孤未幾孤復殤長號數日不食死時雍正壬子二月也

上平湖高志

盛理中妻項氏

農家女年三十七歸盛事姑以孝夫病瘵

十七無子痛哭誓死姑勸之嫁是年八月二十三日經死

鈕九觀妻葉氏

年二十五夫亡無子夫兄以家貧諷之改適葉痛哭一日兩眶血涔涔下晚遂自經

邑令方以恭給額曰烈節維風

陸魯巖妻姚氏

年二十八夫亡家貧作苦議立嗣以延夫祀眾以其貧莫肯為後姚痛悼絕粒死

孫秀芳妻汪氏

幼失父母家貧攜幼弟依叔母曉夜紡織以供朝夕愛弟倍至後其弟溺死汪為慟

哭累日不食年二十二歸孫越五載夫亡子女皆殤汪晝夜哭泣誓以身殉然絕不作激烈狀徐鬻簪珥以營窀穸既葬遂服滿死距夫死纔七十九日

劉仲達妻陸氏

年二十七夫亡子二長大中六齡次大本甫生陸抱孤泣曰天如不絕劉氏偷生旦

夕以活此藐孤及服闋謂二子曰爾輩今能自就口食幸自愛我將從爾父于地下至夜自縊死年二十九

監生王棠妻朱氏

年十七適王事姑許盡孝越十五年夫亡無子一慟幾絕數數投縵姑密防之

得不死會中元節前三日夜起祭奠其夫少間廚下寂然姑即起視已自經死以上平湖張志

生員俞中泰妻何氏

年二十六夫亡無子慟哭自矢舅姑慰諭之立夫從子世葉為嗣一夕自

經死年

三十四

俞南洲妻顧氏

南洲家素貧授童蒙書以自給及亡遇歲禮無所得食有欲奪其志者抱幼子赴水

隣人救之饋以麥飯竟不食死時年二十九

陳品松繼妻顧氏

年二十四夫亡號泣累日撫前子女不啻所生服將闋女年十六字萬氏為養

媳子年十二亦令往從人習業一夕隣里聞悲泣不止明日叩門不應起視之則已投縵死矣年二十六時丁

亥十月二十四日也

張時茂妻朱氏

婚六載夫亡遺孤又殤遂自經年二十七

汪大榮妻胡氏

夫業木工家貧胡勤鍼黹佐夫孝養舅姑舅姑歿家益貧未幾夫病且革謂曰吾死

父母既沒又無子女爾年少無依不如更適人胡悲咽不能語但以手指心而已比卒慟絕者屢日惟食糝糠

夜則卧柩側者三年服闋盡典衣節葬其舅姑及夫既葬歸痛哭竟夜翼明投水死時年三十里人哀之

上平湖王志

陸德勝妻陳氏

德勝耕田中遇旋風暴卒陳方懷妊慟哭竟日遂自經死

程德瀚妻王氏

年二十二歸程不期年夫暴亡王方歸寧聞訃奔喪撫屍痛哭畢即入廚下服滿卒

乾隆二十一年五月二十六日也

陶法三妻張氏

夫病革不能言淚涔涔下張許以死殉日遂瞑張即于屍側自縊死年止二十六

以上  
新纂

石門縣

元

館

吳守正妻禹氏

名淑靖字素清紹興人至元十六年徙家  
崇德之石門嘗從容謂守正曰方今羣盜

蜂起萬一不測妾惟有死而已是年夏盜陷崇德淑靖

倉皇攜八歲女登舟以避有盜數輩奔入其舟將犯淑

靖乃抱幼女投河死元史本傳案橋李詩繫名淑

靜字素靖會稽人寓崇德石門鎮元季苗獠之亂亟與

夫操舟以遁苗及之叱淑靜度不免遂抱幼女投水死

明日得尸僵立如生藁葬其地守正入越亦死兵閒遺

孤昂無依去金華山中為僧後歸廬墓榜曰

白雲先隴鎮人表為貞母徐一夔有記

明

方瑄妻沈氏

名淑寧海鹽人年十九歸方十八日而寡家  
貧依其母母潛許人沈覺之給母出自經死



楊循吉  
有傳

丐烈婦

湖州人莫詳其姓氏正德庚午湖大饑婦與姑及夫乞食石門市有殊色市人爭欲挑之與之食與

財俱不顧寓東高橋上伺夫與姑不至及三日聚觀者益衆婦乃從橋躍入水中死

何鶴齡妻蔡氏

夫行不義兩家父母議改婚蔡誓死不從既婚輒泣諫憤懣就經翁姑覺而解之翁

死蔡罄衣資治喪夫迫蔡改行蔡度不免沐浴整衣自經死事聞詔旌

朱貴妻范氏

倭犯境夫妻走避猝與倭遇倭揮刃殺貴范厲聲奮臂抓倭面倭怒剖其腹罵不絕口死

兩浙  
名賢錄

吳鸞妻戴氏

年二十五被倭執將污之以死力拒身被數刃死

姚菊香

聞倭至言笑自若衆嗤之菊香曰若輩第怕死耳死何怕之有及倭至抱其子自沉于河數日屍浮

水面母子  
相抱如生

陸道宏妻朱氏

年二十七抱三歲遺腹兒匿一樓為倭所獲劫之行朱紿倭令抱其孤下樓投井死

以上崇

德新志

案浙江通志云姚菊香嘉興府志作蘭香陸宏道

舊浙江通志作陳道宏均未詳孰是今從新志

徐玉峯妻蔡氏

明末巨寇劫掠鎮中蔡奔避不及寇驅之至祇樹菴大罵不屈寇以刀刺其胸舍之

去未幾卒里人

曹開裕有記

祝守道妻姚氏

事姑盡孝守道家臨運河明末亂兵猝至倉皇出門追逼者將及路旁有池遂奮身

躍入死子文彥上其事于學使

者給額表之以上浙江通志

國朝

曹乾妻湯氏

年二十三夫亡事舅姑以孝舅姑歿哭泣盡哀比葬畢湯笑笑無倚自縊而死乾隆十六

年旌

浙

圖

馬毓奎妻王氏 年二十一歸馬僅二載夫亡無子 卽自縊死乾隆二十七年 旌

吳蘭先妻張氏 年二十二夫亡撫遺孤成立孝養姑嫜喪 葬既畢一日服滿死乾隆四十一年 旌

王煒妻方氏 年二十三夫被累客 亡柩歸遂自縊死

張某妻張氏 張時忠之子婦夫亡子歿翁令他適張誓不 從已而翁令惡少脅之登舟張乘間赴水死

事聞寘惡少于法以 上嘉慶二年 旌

夏承啟妻周氏 順治丙戌周被兵掠將逼汚之堅拒不從 罵不絕口兵怒以刃脅其頸罵愈厲兵殺 之

俞文表妻傅氏 嫁俞七年夫亡誓以身殉親戚勸之傅曰 我若有子死則負夫今無子夫兄弟四人

止一子并無可繼不死何待殮之夕 哭絕復蘇至曉自經死年二十有五

呂懿緒妻徐氏 夫負文名以攻苦病瘵徐知其不起先抱 其子屬翁姑善撫之夫病革遂服滿死

呂懿業妻戴氏

夫亡戴哀慟曰我即死誰為之服我姑緩之服闋遂吞耳環死 以上吳志

沈福緣妻朱氏

年二十二適沈未半載夫亡日夜號泣誓以死殉翁與族人以將立嗣子慰之踰月

餘朱念近族無可繼者遂閉戶自縊以死

魏烈婦

王溪鎮魏鬼頭之母順治初為遊卒所掠欲犯之婦罵不絕口卒怒縛之桑樹以刀斫其腹死

烈婦真氏

失其夫之姓夫亡事姑孝撫小叔及二女以紡織度日康熙庚戌辛亥間遭水旱蝗災真刻苦

持家心力交瘁一日自經于夫柩旁密縫其衣不露寸膚俞長策為之作傳

沈某妻陳氏

王溪鎮人夫亡即自縊死

陳瑞璜妻魏氏

魏耀周女王溪鎮人適陳四載夫亡慟絕而蘇泣拜舅姑曰夫死婦當奉養然有兄

公伯姒在無憂也遂服滿死時年二十二

李萬青妻蔡氏

年二十四夫亡孝事姑遭火災蔡扶姑出戶旋伏夫柩旁死火滅人見其手掖柩焉

千總姚純錫妻朱氏

夫官衢州協卒于官朱無舅姑子女扶柩歸里絕粒以殉 以上新纂

桐鄉縣

明

濮彥仁妾龐氏唐氏

洪武初籍濮氏家官收其產二人義不辱俱自經死

鮑文化妻濮氏

年二十四夫亡兄欲奪其志密縫周身衣裳投河死詔旌其墓

朱廉妻茅氏

年十八夫病婚未成婦未幾夫亡翁姑欲奪其志勿動詎厲之饑餒之勿動哀毀而卒或

曰縊焉

案茅氏吳志翁欲奪其志自縊救免有司表之曰培節則未嘗縊死也惟桐鄉節烈志特書曰茅烈

婦今從之

生員鍾鴻是妻高氏

年十九夫亡誓不獨生姑再三慰勉服未闋絕粒死

案桐鄉徐志載高氏御史高欽舜姪女適庠生鍾鴻是年十九鴻卒云云吳志亦作鍾鴻是惟通志于前明既

載鍾鴻是妻高氏于國朝又載鍾鴻妻高氏事蹟俱同是必一人誤為兩人也

陸堯煥妻張氏

海寧張珮女珮賈于青鎮贅陸為婿婚六日珮遊楚中越十有四日夫亡氏即躍入

河鄰人救之起逾年聞父亡于楚女即投縵死死之日胸繫繡囊刻檀為夫像藏其中以上浙江通志

朱烈婦

夫某死遺一女方孩惡少吳某逼朱轉嫁邱某朱度無可免遂抱女逆投入井死

陸某妻張氏

適陸一年夫亡踰三年母思改嫁之釋服之夕哭盡哀自縊死崇禎癸未年事以上桐

鄉節烈志

國朝

董大銘妻沈氏

夫適徐茂華錢米茂華來索適沈獨處欲汚之抓傷沈臂沈不甘辱遂自縊雍正十

一年旌

吳維莘妻張氏

年二十三夫亡含殮畢越五日闔戶自經死乾隆五年旌

嚴師顏妻沈氏

年二十六夫亡絕粒七日死庚寅七月事乾隆三十五年

旌

金鏢妻周氏

夫病篤周顓天請代顓破流血病終不起周勤絕既甦服滿而死年二十四嘉慶三年

旌

鄭允澳妻徐氏

年十六歸鄭夫病篤臨歿以家無子屬徐改適徐號泣不從已而父母哀其無依微

諷之即嚴妝服毒以殞年止二十八

歸慧卿妻王氏

年二十一夫亡無子次日即投繯柩側二棺並發觀者無不泣下郡守潘世奇為之

傳

生員徐法妾嚴氏

名巧桃年二十二法死無子正室丁善病嚴奉侍湯藥數年不倦及丁歿盡出

所有營葬兩棺絕粒七日死時年二十五

桂某妻吳氏

桂育奇子婦適桂未月夫亡無子紡績奉姑姑歿或勸更適氏曰吾所以未死者為姑

在耳姑既葬  
遂自縊死

張嘉瑾繼妻王氏

夫亡設像事之遺孤歿王悲哀自縊死  
張嘉塔子鴻奇妻皇甫氏婚甫兩月寡

哀毀損一目後小祥竟絕粒死鴻奇弟鴻來妻戴氏未  
廟見而寡家人以應後者嗣之數歲又殤遂投纒死

以上  
吳志

姚應鶴妻金氏

夫亡眾逼金嫁金投纒鄰嫗解之得免匿  
母家眾威脅如故及歸則娶船已泊河下

因乞靈前一別眾許之入室將周身衣服縫紉而出拊  
棺長號至橋投河抱橋柱而死時順治丙戌六月也

浙江  
通志

王元愷妻鍾氏

年二十四夫亡無子止二女越五年嗣子  
鑣始生忽一日泣別其姑且戒其女潛縊

于夫之楸側時康熙庚申夏也  
年三十有五邑人俞長策有傳

生員馮秉鈞妻凌氏

夫亡視含殮畢即欲死殉姑及小叔  
防之不得猝死乃絕粒九日死時雍



王乙  
已也

吳炎妻張氏 夫以事株累坐死張例編戍至齊化門仰藥噴血遂絕于車藁葬道左時人哀之

高大文妻魏氏 打鐘浜人年三十夫亡安厝夫柩畢潛赴殯所投水死距夫死僅三日云

烈婦潘氏 年十八適村農某未逾年夫亡蓋棺畢即扃門自縊或云大吳村人邑令蔡可遠邑人馮司寇

景夏俱往弔之

姚某妻周氏 姚燠子婦婚五月夫以病瘵亡日夜悲憤死距夫喪十餘日年止二十二遠近悲之

吳召南妻嚴氏 清風鄉人年二十二適吳僅八月夫亡號慟絕粒旋即投縊死

盛佩蓮妻徐氏 年十九夫亡三年喪畢投河死越二十餘日獲尸如在以上桐鄉節烈志

烈婦徐氏 王溪鎮人順治己酉土寇起婦被獲罵甚賊怒剝腹抽腸挂樹而去翌日氣絕

沈家模妻羅氏 夫亡以死自誓家人防禦甚密越四十九日乘間自縊死

沈大嵩繼妻黃氏

事繼姑孝夫病篤瀝血書禱于神請代卒不起悲號三晝夜服滿死年二十八

金棠妻沈氏

年二十九夫亡舅姑欲為立繼授產泣曰吾焉用此為遂自縊死時乾隆五十九年

茅某妻黃氏

翁與姑無辜繫獄婦抱幼女以髮繫頸死

徐某妻某氏

徐偉長冢婦夫亡父欲議嫁服滿死

陸某妻張氏

成婚時夫已病篤張預縫其內衣夫亡即服滿死

吳烈婦

吳遠公孫婦夫亡夜半雉經死里人率私錢助葬陡門塘

沈載錫妻項氏

年三十夫亡無子服滿死

張玉文妻夏氏

年十九成婚三月夫亡夏即絕粒姑勸之志終不移竟服滿死

邱成信妻張氏

年十九婚二旬夫暴亡無子逾年翁令改嫁遂自縊

張偉妻王氏

夫亡請于翁姑立從子鳳岐為嗣次日投繯死年二十六嘉慶三年八月事

沈鳳池妻鄭氏

年二十六夫亡翁又歿遂絕粒死時年二十九

沈企高之妻沈氏

年二十六夫亡嗣子在襁祿善病甫議婚又歿沈嘆曰吾今可以死矣遂絕粒

死年三十七

烈女

嘉興縣

元

柳烈女

至正閒紅巾賊陷嘉興女年十八與父母同匿為賊所得女號曰若欲何為其母曰欲妻汝汝善事

之女曰若然無掉我我乃行兵驅女前行至河澚女給為結襪狀兵不為防遂投河死明金網記見藝文

錢氏二烈女

錢子順之二妹紅巾賊至其家二女義不受辱相與結裙裙投河死以上兩浙名賢錄

明

圖書館

張于拱聘妻包氏

于拱張鳳喈子未婚包之戚有貴人者  
嫌張貧屬更牽絲張不敢抗包給其女

以張郎死女不語遂入房稱病不出絕粒七日而  
死上下衣皆自縫書于襟曰必葬我張氏之壟

錢某聘妻朱氏

年十九未婚聞訃即欲殉死時母已病革  
旋歿女侍母殮畢語其兄曰妹錢婦也願

死從之不食五日卒舅家遂合葬焉每于  
霜天曉月見二白鳥飛集塚樹里人異之

胡烈女

乙酉城破與父愛橋俱被執至衆安橋不能行兵  
迫之給曰釋我父從汝父既釋行已遠佯言繫履

投水死  
以上吳志

國朝

陳學澗聘妻楊氏

楊汝雯女幼婉淑通詩書事親至孝許  
字于陳未婚夫亡女擬奔喪兄阻之居

二載女絕粒七日遣婢迎其姑至奉歸聘物并告兄割  
父所許奩田屬姑爲他日立後計遂吞鉛粉死時年二

十四乾隆  
八年旌

張載揚聘妻陳氏

名支姑陳國英女許配于張年十七未婚卒支姑聞訃悲泣往視其殮歸即自

經死 以上

浙江通志

李某聘妻樊氏

小字婉婉梅里樊晉肱女性聰慧熟精女史未嫁而李卒女數日不食作絕命詞自

縊而死

吳志

生員王某聘妻高氏

生員高鴻女母早亡事鴻至孝許字王氏子未婚而壻幾陷獄女驟聞而

投杆曰我少失恃今又失所天不若從母于地下矣遂

吞金而死 輓貞錄 案高烈女春波里人秀水任志

云闔戶自經死惟嘉興何志云閉閣端坐而逝悞甚今

據輓貞錄更正烈女死于康熙十八年己未六月六日

并識

之

王元宰聘妻潘氏

年二十夫亡父母苦貧另為擇配不令潘知屆期迎娶強之登輿潘竟經于輿

中康熙六

十一年事

張陶菴聘妻嚴氏

未婚過門守貞三年  
服闋絕食七日死

張某聘妻曹氏

曹店村曹成章女許配張張歿女誓以死  
殉父母防之密乃屏華飾服縞素以明志

父母防稍踈乘間  
自縊死年二十三

伍烈女

伍煥若女梅里人許字王氏子未婚王暴卒女知  
之即誓死不食母強之復食踰半載父母更許他

姓女闔樓屏自縊垂死急救之得蘇由是絕粒七日不  
死服鹽汁吞鉛銅啖斷腸花根不死其後裂衣襟續若

縋懸樓下而死同里

許燦賦伍烈女詩

李烈女

梅里李鉉女許字錢氏子婚有期而錢歿父母不  
使女知一日女聞之即手製白衣不食七日死臨

絕告父母必以哀  
麻殮我里人哀之

陸焜聘妻朱氏

早喪母無兄弟父履仁客死富陽朱日夜  
涕泣願往負父骸骨其叔履端感之即往

富陽扶履仁櫬以歸女親自負土奉母合葬焉乾隆三  
年夫亡欲往持服叔不許女自經急救得不死已乃詣

陸守貞事姑甚孝姑歿遂絕食  
死時年二十五 以上新纂

秀水縣

明

劉伯春聘妻張氏

張組女年十四受劉聘夫少負才名必欲舉于鄉而後娶未幾卒女號泣截髮

自為詩祭之持服三年不踰闕不茹葷服闋即絕食飲旬日而卒年甫二十舅姑迎柩合葬焉

周應祈聘妻項氏

監生道亭女許字吳江周應祈精女工解琴通列女傳事祖母及母孝年十九

聞周病瘵謂乳媪曰未嫁而亡當柰何曰未成婦也改字無害女正容曰昔賢以一劍許人猶不忍背況身乎

及訃聞父母祕其事然女聞吳江人來已喻祖母屬其母入視女色甚溫母釋然去夜俟諸婢熟睡獨以素絲

約髮衣內外悉以縞而紉其下裳檢衣物當勞諸婢者標之名列諸牀上大書于几曰上告父母兒不得奉一

日權今為周郎死矣遂自縊兩姓父母從其志遂合葬焉 以上明史

館

包氏季女

李生委之禽母兄嫌李貧議他適女遂憤懣不食者七日長姊力持七箸淪之未及咽而卒

劉志

徐烈女

王江涇人許字鼎室子其父以醫致富父死而產落徐之父欲啖壻罷婚壻亦甘焉女潛知之問父計奩金幾何予我當從父授以百金輒呼鼎室子與之抵暮自經死後以其柩歸鼎室子兩浙名賢錄

國朝

葉時青聘妻汪氏

名桂芳許字葉年未笄葉亡汪以不得過門守貞因作絕命詞二首絕粒死乾

隆十八年旌

楊浚聘妻沈氏

沈階可女年十四許字越六載夫以瘵疾亡女聞量絕急救方甦女家近南湖濱于

浚歿之次日攜小磨石繫身投淵以死時乾隆壬子閏四月事也乾隆六十年旌

沈守堃聘妻史氏

年十六許字沈沈嬰疾旬日亡許至女方刺繡盡碎之慟絕七日不食泣請于

父母曰誓不為他氏婦也又謂其婢曰我必歸沈否則



父母曰誓不為他氏婦也又謂其婢曰我必歸沈否則必死時屆酷暑日方午女攜水入臥室有頃不聞聲一婢排戶入視之則已浴畢整衣投繯氣絕矣時年二十嘉慶三年旌

濮廷松聘妻陸氏

性純孝年十六母患瘋癱凡起居行動悉力扶掖三年未嘗厭倦許字濮成婚

有期而濮暴亡訃至陸方執爨聞變痛絕既蘇即除簪珥衣素縞望空長號家人恐其殉身多方防護未幾陸含哀忍淚潛入臥房自縊死時嘉慶三年正月二十日也濮氏憐其志含殮畢即合葬于廷松之墓嘉慶四年旌

王爾榮聘妻顧氏

幼喪父隨母嫁于邱許字長興王爾榮未婚而寡誓不再嫁既而母改許沈氏

女整衣裳服滷死年二十四將死密戒隣母曰我死無受沈姓片楮汚我及死沈果來唁隣家羣起却之時康熙己亥正月十九日也浙江通志

生員朱大年妻江氏

壬午鄉試大年已首薦為主司所黜遂抑鬱而歿江即絕粒吞金死見蔣

鶴鳴詩集

祝成泰聘妻朱氏

朱桐女夫亡女矢志守貞吞環而死

沈文榮聘妻潘氏

早喪母事父熊飛甚孝同里沈氏聞其賢聘之未婚夫亡潘請于父曰義不可

他適遂閉閣自盡沈氏迎其柩合葬焉乾隆六年邑令董給貞烈維風額以表其閭

葛雪觀聘妻朱氏

孝廉朱以綸女未婚夫亡女年十九訃至旋屏飲食竟以餓死葛氏移柩合葬

遂女志也

胡爾樑聘妻錢氏

名月芬桐鄉錢紫司女年十九聞訃素服登樓作絕命詞七章自縊死

姚文光聘妻沈氏

年十九未婚聞訃遂自縊死夫家為之治喪迎柩合葬焉

葛起雷聘妻朱氏

孝廉朱以綸女乾隆丙子夏起雷病亡朱年二十六請歸于葛翁未之允自夏

迄冬竟絕粒以死以上新纂

嘉善縣

明

錢某聘妻葉氏

葉雷女嘉靖甲寅母子為倭所執倭欲辱其母葉時年十七給以身代求釋母母得

脫遂罵賊投吳家塘水死

劉志

曹相陞聘妻錢氏

推官錢黯孫女將婚相陞亡錢即欲自盡以祖年九旬慮傷老懷又念母當侍

奉未敢殉死後欲至夫家守貞不果值母病篤遂乘間自盡

朱令嘉繼聘妻屠氏

諸生屠浚女將婚令嘉死女哀慟毀容屢欲吞環為侍婢奪阻乃矢志絕

粒將卒泣告父母願遷木主于朱遂逝時年二十二以上嘉善戈志

國朝

陸烈女

許字蘇州生員張某陸之父宦僕也自慚非耦將還張原聘令字女聞之密縫衣裙自經死

顧某聘妻顏氏

少失恃依于兄嫂康熙甲寅夏顧父遣子就婚其兄重索聘禮且加辱詈顏遂自縊

邑人哀之徵詩記其事以上嘉善楊志

奚鍾瑛聘妻丁氏

清惠公七世孫女未婚鍾瑛死女聞訃一痛幾絕願奔喪守志舅姑辭以百日

內安葬過門女易服縞素以俟舅姑終以女年尙少有諷使另字之意女聞之忿甚痛哭七晝夜淚盡血枯死

時年二十

王球聘妻錢氏

錢士明女許字楓涇王球乾隆丁卯女聞夫訃即取定婚紅絹自經時年十九

蔣學洙聘妻沈氏

婁縣人未婚學洙死女聞訃遂絕粒以死翁源德哀其志迎柩與洙合葬事詳

婁縣志

陶烈女

農家女也其嫂亡遺孩纔五月女撫之夜呱呱泣漫以乳使吮之已而有乳鄰有毀之者女忍而不

校踰年兄又歿族人爲擇醜女涕泣不從乾隆乙卯遺孩八歲自能食飲女以謗言故絕食數日死以上新

纂

海鹽縣

明

陳某聘妻錢氏

半邏錢君儀女許聘于陳陳初裕後貧其姑不自檢嘉靖庚寅冬將婚矣女嘆曰盟

不可變義不可辱吾有以死謝耳先期三日自縊死

張某聘妻沈氏

名雲年十七許聘于張未婚夫亡邑中聞其賢爭求聘父母將許之雲覺投河死嘉

靖丁酉春也朱朴作烈女詩紀其事

千戶胡獻奇聘妻徐氏

學椽徐鳳女夫領漕入都約明年竣役成婚竟客死邸中訃至徐慟

哭不食數日縊死時萬曆甲申十月也

干氏女

乙酉避兵遇執不屈兵牽其髮引手奪之遂被害以上浙江通志

國朝

徐杼聘妻祝氏

海寧袁花里人諸生祝維馨女及笄許字徐徐以積學得瘵疾未婚而亡祝聞訃絕

粒父母告徐訊日過門時年二十七事姑懽姑邁疾歿

祝欲引決宗長以兩世未葬嗣子未立勸勿死殉祝收

涕謝之徐故貧祝欲為窳窳計晝夜操作不輟旋居父

喪哀毀成疾歲丙辰欲鬻產營葬舅姑與夫衆尼之不

果祝自裁之計始決絕粒八日不死乃投

環死時四月初四日也嘉慶二年旌

李玉如聘妻陸氏

未婚聞訃將歸李氏父勸慰之女度不能伸其志乘家人不及防荆釵孝髻投

河而死

李可旦聘妻楊氏

可旦年少力學將婚而歿楊聞訃絕粒死

曹烈女

曹秉忠女許字某氏訃至往哭而絕少頃蘇自經死以上新纂

平湖縣

明

乍浦七烈女

並嘉靖中倭陷乍浦不受辱死者郭臣妻董氏投池死柳暉女與陳起二女投井死李金

女沈表女與戴鑑妻周氏投河死又倭驅數婦人至俞姓家有一女乘間觸門死失其姓名見海鹽圖經案

吳志諸生李金女居乍浦嘉靖閒倭入寇父攜之行女度不免乘間投海死學使阮鶚立石海濱曰李烈女死

節處

姚某聘妻朱氏

朱炳第四女年十六許姚未及笄炳卒女依寡母極盡孝養惡少邱鍾乃其姊夫強

附同居數挑之以言女痛哭于庭自嘆無父之女為人所凌如此至夜遂自縊于父柩旁

生員戴裕津聘妻趙氏

裕嘉興人以力學聞未婚而亡趙脫簪擗踊誓不再生盡出衣飾歸

夫家營兩穴穴成闔戶縊母排闥救之趙不言但以手叩胸呼往嘉興者三遂絕就殮如生事聞建坊以上

明一統志

倪烈女 年十八未字倭寇臨城以麻纏身自誓必死倭逼之給日以鼓樂迎我當從若乘間赴水死

劉摯生聘妻陶氏 年十三兵亂與兩嫂俱被執陶以手攀水車亭柱兵斫其手更以足挽復斫其

足遂仆地以刃貫胸而死

陸麟錫聘妻陳氏 夫十歲殤陳亦十歲卽立志守貞兵亂被獲至廳事前抱柑子樹厲聲詬罵兵

怒亂斫殺之猶抱樹不可脫時年三十一

吳烈女 名鳳姐隨其母呂氏避兵橫河兵至被執負之行鳳姐嚙其項肉脫兵怒磔于道 以上平湖朱志

國朝

翠金 施德望婢也德望館于鄉家無僮僕惟翠金侍其妻年及笄性貞潔雖以市易米鹽間出戶外然不輕與人交一言鄰有馬四者豔其姿欺其室無人一夕踰垣入藏匕首至卧所欲犯之翠金驚呼馬鬪以刃翠金曰

我不畏死罵愈厲遂遇害德望妻越窗走墜樓傷足里鄰共獲馬四聞于官按律抵罪而為翠金題 旌時雍



正五年也

陸沈鯤聘妻丁氏

湖州丁元凱女年十八許字未婚夫亡父母憐其年少將復議婚丁遂闔戶絕

食父母許以奔喪成服乃不死既歸陸事舅姑以孝立夫兄子時煥為嗣尋以母病歸侍奉湯藥母死哭傷目幾失明父亦繼歿既殯為書別舅姑願與夫同穴遂絕粒十日而卒乾隆八年旌

邱尙懋聘妻王氏

年十六許字邱明年夫亡聞訃欲奔喪父強抑之女含淚飲泣潛易縞素越半

載父亡以身殉者再遇救獲免服闋聞繼母與兄有他議遂闔戶自經死年纔十九時乙丑十月二十一日也乾隆十三年旌

全永賢聘妻曹氏

小名六姑許字永賢未嫁依母以居鄰人朱文達矚其母他出突入室中戲執

其手曹叱之文達遁去羞憤服滿死文達坐誅乾隆二十四年旌

朱烈女

母亡居喪次其姊婿突入帷欲汗之遂自經死案朱志土人名其墓曰阿姨墩

莊烈女 農家女里有無賴乘女父他出夜操戈入室強逼  
之女守義不屈自經死里人為立烈女祠在縣西

鄉以上  
大清一統志

案吳志烈女父名耀昌無賴為曹  
大許殿宣事在康熙戊子三月

趙烈女 女出名族父許配高氏高起家微驟致富且曾為  
其外祖前馬女愧之將嫁自縊死 浙江通志

俞文漢聘妻曹氏 諸生曹蕭斗女許字俞未婚而亡曹聞  
訃嘔血欲以身殉母曲慰之乃止母病

七載奉湯藥不離母歿遂絕粒  
死郡邑哀其貞烈徵詩輓之

陸若榮聘妻劉氏 年十九未婚聞訃誓以身殉已而聞若  
榮柩厝東湖案山麓乃自製冥衣服衰

麻親詣柩前焚之一慟而絕家人救  
甦既歸絕粒三日卒 以上吳志

沈玉奇聘妻王氏 幼為養媳未成婚夫因割股療親致羸  
疾卒王即日乘間投河死時雍正乙卯

三月也年二十四邑令部  
愷表其閭曰孝烈可風

單某聘妻李氏 單金山人李許字未久而夫亡時即欲歸

單某聘妻李氏

單金山人李許字未久而夫亡時即欲歸

二十四作絕命詩自經死時乾隆壬午二月六日也單氏聞之迎其柩與夫合葬見古狂隨筆

張鳴九聘妻郭氏

幼字張夫亡郭年二十聞訃慟幾絕矢志守貞翁坤元聞而賢之迎以歸距鳴

九歿纔六日也歲戊子夫兄生子天鼇撫以爲子次年一日忽謂乳嫗曰吾夫祀有屬吾將從夫地下矣七月七日自縊死年二十九以上平潮張志

生員陳某聘妻馮氏

小字虎姑幼許嘉興陳某陳貧未娶馮亦家無立錐地嘗與母棲身白雲

尼菴勤繡作以供朝夕父惑匪人語更納富家聘馮時年二十三位語其母以死自誓一夜俟母酣睡乃以布束週身衣溺菴後水中死時乾隆庚子七月八日也鄉里哀其烈購贈以葬

戈守禮聘妻趙氏

農家女幼字守禮早慧能文遊疾而亡趙年十九聞訃慟絕即欲奔喪父母阻

之越數日不食死

伊氏二烈女

年甫伊懷忠女長順姑次美姑有內戚某少

之去某懷忿陰中以蜚語二女聞之恚甚將登樓自縊

家人偵知之不果乃相率出後戶赴海死翼日二屍隨

潮至兩手互抱顏色如生時乾隆己酉七月

月晦日事順姑年二十三美姑年二十一

胡烈女徐烈女

胡名福姑徐名瑞珍瑞珍福之甥女也福

弟相譖云飯店人家焉有好女福聞累日不食適姊夫

徐耀文挈其女瑞珍來耀文已許賣瑞珍為妾行有期

矣瑞珍不願從泣訴福姑二女各懷怨

恨至夜以巾相繫投河死以上新纂

石門縣

明

浙

朱阿妹

朱朝女倭寇劫至城隍廟橋朱給曰吾偕祖母來

有金可取倭信之乘間投河觸石柱死祖母陸亦

隨溺焉 崇德新志

范欽聘妻費氏 費麗女名金菊 許字范未 婚范率女聞訃

范欽聘妻費氏

費寔女名金菊許字范未婚范卒女聞訃號慟欲往父母阻之隨有議婚者女泣曰

吾心已死身豈再適父潛許嚴氏納聘之日自經死殮時面如生監司為買地葬之表其墓曰蘭閨勁節 浙

江通志

陸憲聘妻趙氏

名淑女德清人幼許字陸家貧趙父謀他適女聞之躍入河死憲感其貞烈終身不

娶新纂

國朝

金烈女

錢林里農家金明和女順治六年間里中盜猖獗父無力遷避是年十月盜沿村劫掠女被執欲污

之時年十五罵拒不屈投河死

姚濂聘妻沈氏

玉溪鎮人年十四許字姚濂濂貧不能娶以病卒沈聞哀號不輟求往夫家父母力


止不從絕粒吞錢求死乃許歸姚進以銷錢之藥得不死家人救甦已而絕粒至三十二日復吞錢十餘枚乃

死年二十三  
以上浙江通志

案桐溪節烈志載姚濂聘妻絕命詞云少小曾翻烈女  
編敢將心跡擬前賢只知從一而終義一命追隨到九  
泉事在康熙丙申之夏學使馬豫給額曰  
志貞從一邑令姚迷虞額曰節烈流芳

姚某聘妻沈氏 未婚某亡沈聞訃號泣奔喪喪畢絕粒三  
十日而死邑令韓麟趾學博張孝友俱有

詩記  
其事



田兩元聘妻蔡氏 蔡裕光女性純孝將婚而兩元病亡女  
方食即投箸却立嘔食殆盡脫簪珥易

髮將奔喪父母止之曰汝兄遠出弟幼吾兩人方藉汝  
奉朝夕汝忍舍之去耶然志由汝立吾不汝奪也女鳴  
咽不能言注視父母者久之嘔血數升遂卧病不起其  
姑聞之來視慰之曰汝善自保少痊吾當迎汝女曰兒  
病恐無痊日矣女泣姑亦泣姑曰吾知汝意汝即死必  
使若同穴也比兩元既營壙女遂絕粒數日死時乾隆  
辛巳四月四日也時李翊撰傳吳廸採按事略莊存真  
董潮曹培亨撰墓銘蔣士銓沈初施朝幹皆有詩記其

事以

事以  
上新纂

桐鄉縣

國朝

官

張九彰聘妻顧氏

名季繁事母至孝未婚夫亡悲號欲殉  
兄時新日夜守之祖母死其翁來唁家

人咸在喪次季繁遂閉戶自經衣裳俱紉結不可解檢  
其笥得絕命詞數篇翁心傷之迎其柩與九彰合葬焉

康熙十一年

圖

許換姑

農人許勝宇女年十四採豆田間鄰有惡少張麟  
兆欲污之力拒得脫歸告其母曰兒幾為人所辱

遂自縊死康熙  
三十九年

旌

沈烈女

沈體義女父母外出鄰程尚林調之  
不從羞忿自縊乾隆二十三年

旌

孔繼光聘妻張氏

婚有期而夫亡聞訃痛哭遂飲瀘死時  
乾隆二十九年八月十八日年止二十

三乾隆三十一年 旌

程之梁聘妻沈氏

夫亡欲奔喪守制父母阻之女泣曰兒終不為二姓人也絕粒七日不死乃服

滿死年甫十九時已酉六月九日也乾隆五十四年 旌

姚又吟聘妻沈氏

未婚夫亡之殯所哭之居三年不露言笑服闋哀號竟日旋自經死

朱際斯聘妻沈氏

年十三許字于朱夫亡闔戶自經祖母吳排闥救之獲甦乃絕粒死

姚某聘妻沈氏

未婚夫亡痛哭不止遂自經

陳汝璉聘妻蔡氏

未婚夫亡欲奔喪父止之女曰字陳父命也慟哭嘔血闔戶雉經死時年二十

乾隆十四年八月事

鄭蔚章聘妻周氏

夫亡聞訃不食父母強之食卒不顧絕粒七日死年二十四乾隆十九年事巡

撫周人驥表其閭

王文玉聘妻張氏 年十七夫亡父母欲奪其志乘間投



王文玉聘妻張氏

年十七夫亡父母欲奪其志乘間投繯死乾隆四十二年二月事以上新纂

貞女

嘉興縣

明

楊某聘妻吳氏

嘉善農家女名秀瓊許字後年及笄楊歿斷髮誓不嫁父母不能強遂居家奉佛以

紡績  
自給

沈童祖聘妻高氏

高表仲女性端莊寡言笑許字沈年十六沈殤乃棄盥櫛毀容自誓邑令羅星

上之御史蕭月給米  
贍閱二十八年卒

沈志聘妻朱氏

年十四聞沈訃易服奔喪守貞三十七年卒

沈涵聘妻朱氏

未婚沈亡朱年十四聞訃斬衰從母往弔辭母曰夫不及養兒代之夫不及嗣兒立

之爰立夫姪暹為後奉  
姑孝謹閱四十年卒

姚諺聘妻沈氏

沈儒女年十七姚亡聞訃痛哭幾失明  
請夫衣履祀之父母歿依弟阜終身

生員黃九疇聘妻薛氏

薛文煌女未婚夫亡翦髮披麻往  
守夫柩哀毀骨立五年而卒與夫

合葬

生員沈之韶

嘉興湯志作鳴朝

聘妻盛氏

嘉靖庚申卜九月初十  
日成婚是日夫亡盛即

翦髮納棺中誓死不二年六  
十五卒邑令李寅賓表之

嚴可相聘妻錢氏

未婚夫亡錢往視其殮日侍靈幃哭之  
哀甚舅姑隣其志為之立後守貞四十

餘年孝奉舅姑萬  
歷初郡守某表之

許錫琦聘妻陸氏

陸雲澄女年十四未婚許亡與傭母女  
紅度日陸欲過門守制姑聞往慰母不

令即見扁之于樓踰窗墮地抱姑求死母不忍畱令從  
姑歸克盡孝養教嗣子及孫俱游庠母歿買地合葬崇

黃岡旌

張某聘妻湯氏

石工女也許字張氏子行八張年十四而亡計聞湯父往唁湯曰兒願往一拜即還

父從之借往撫尸慟哭畢泣拜父曰兒勿還矣願成兒志父不能強舅姑為之冠笄守貞五十年卒以上吳志

鍾貞女

未婚守貞撫院各司道表之

蔣某聘妻徐氏

思賢鄉人許配蔣氏子蔣病卒徐年十六號泣奔喪姑憐其未婚泣告其母另擇所

配迨吉有期徐聞之大慟闔戶自經姑救之甦自是椎髻操作養姑終身撫伯氏子又歿婦後嫁去遺孫未週

徐鞠養艱苦以延一綫奉詔建坊

王迅聘妻陸氏

陸嚴女年十八夫亡陸聞即引刀自裁父奪刀慰之曰汝既有志父豈不欲成汝志

耶遂聽其粗服操作守貞十二年臨終謂父曰必葬我王氏之墓父憐而從之康熙十五年學使表曰完貞

以上嘉興何志

國朝

張嗣昭聘妻陳氏

陳國英女年十七夫亡聞訃更素服飲泣絕粒欲殉母諭止遂往夫家居一室

中機杼晝夜不輟足不踰戶事舅姑甚孝守貞二十四年雍正十二年旌

沈本然聘妻陸氏

年二十一許字于沈甫一載沈亡陸於聞訃日即奔喪哭拜暈絕翁姑百計慰

勸之夫弟有子聯筠時尙髫齡立以爲後翁姑歿陸既營葬因念父母遺棺暴露乃取奩田售之以合葬焉乾隆元年旌

沈煥章妻錢氏

年二十六適沈夫已疾篤不能成合禮惟勸錢早自爲計錢飲泣無一言夫亡錢

欲從死翁姑慰諭至再乃爲夫立後守貞以卒乾隆五年旌

趙鑑聘妻張氏

年二十六趙亡聞訃絕粒數日念翁姑年邁無依立志過門躬執婦道頗以孝聞翁

姑歿泣告宗族繼從子維翰爲嗣旌陳素雲自幼

姑歿泣告宗族繼從子維翰為嗣媵婢陳素雲自幼相依年當及笄屢次遣嫁素雲感張貞節至老不嫁

### 吳掌綸聘妻殷氏

夫抱羸疾未能成婚年十九歲而死殷年二十聞訃奔喪奉事翁姑甚孝初立

從子錫鯤為繼早殤又繼嗣錫鳳鞠育備至守貞三十五年卒乾隆二十七年旌

### 余世熊聘妻諸氏

諸錦女自幼許字余余亡訃聞于諸母以女性激烈祕勿道諸訶知之泣告母

曰禮女子許嫁繫纓則此身已繫屬于人矣請適余守制母從之諸將營夫葬請于父曰兒未識夫而義在同

穴幸擇地近吾諸氏祖塋庶幾禮經未成婦而歸葬女氏之黨之遺意父義而許之乾隆十四年旌

### 顧樹棠聘妻陳氏

年二十一未婚夫亡陳即過門守貞撫夫弟樹德之子為後孝姑嫜和妯娌訓

子力學食貧居苦以終其身守貞三十五年乾隆三十六年旌

### 鄭鶴鳴聘妻屠氏

年十八未婚夫亡訃至屠飲泣請于父母願往一送夫殮以畢終身父母從之

乃奔喪成服事寡姑錢至孝姑命以夫姪應奎為嗣方延師訓讀而應奎又殤屠處境愈苦而貞操益堅忍云

錢汝慤聘妻馮氏

平湖馮巨欽女母錢氏太傅錢陳羣妹也馮幼撫於外祖母陳太夫人太夫人

甚鍾愛之以太傅第三子汝慤年齒相若乃委禽焉慤

年十八隨官京邸遭咯血症而亡馮聞訃痛不欲生惟

願過門守志迨太傅子告里居馮來歸侍奉立

夫姪復為子復方就外傅露頭角而馮不逮養守貞十

七年卒以上乾

隆三十八年旌

胡政煜聘妻祝氏

許字七載胡亡祝聞訃哀泣易服過門時幼叔文煜尚在襁褓翁姑既歿祝氏

撫育愛護倍至守貞三十

五年卒嘉慶四年旌

李光垣聘妻陸氏

陸鈺女幼字李衷純仲子光垣因病癩將議解婚陸聞輒不食父母嘉其志竟

歸于李別寢以居更歷五載日侍湯藥無纖毫厭倦比

沒以兄子銘為嗣銘復早卒撫其孤教養兼至年逾五

十族黨謀具節行

上白女峻辭乃止

陳某聘妻李氏

李僕長女年四歲許字湖郡陳麟佳子陳年十二而歿訃至李哭之哀痛聞者皆為

流涕後遂減飲食病臥牀禱至十五歲病愈危謂其媼

流涕後遂減飲食病臥牀褥至十五歲病愈危謂其媼曰余死為陳氏鬼其無憾矣言畢即逝陳以子合葬焉

王某聘妻黃氏

新行鎮農人黃玉樓女許字王姓有里豪金某以語戲之黃正色辱詈豪不能堪遂

以貲贈其夫令退婚黃痛哭誓死不改適紡績奉親歷數十載比卒數月金舉室被火焚死

金某聘妻潘氏

賣花媼女金氏子聘之而殤潘私為之慟竊練其總茹素守志其母欲更許人潘矢

不從越十餘年堅守如故舅姑乃迎之歸時年二十七

馮貞女

教諭馮鎮鼎之妹馮年少父母欲嫁之馮曰吾好直言而貌朴嫁焉未有不困者也吾從兄嫂以居

而送父母老何以嫁為父母歿食于其兄者四十年六十七卒葬于練浦東之馮村朱彛尊撰冢銘以上

吳志

李華勳聘妻朱氏

年二十一于歸有期而夫凶問至朱乃謝鉛華減飲食不下樓者歲餘鬱鬱以

歿家人得其手書願歸李氏四字于枕函因合葬李氏族譜

王孚伯聘妻張氏

年十六為養媳逾年孚伯病革姑遣之歸孚伯旋歿居數日張求歸王氏入門

知孚伯已死即暈絕頃之始甦家人扶入寢室臥牀不復食五日而歿遂與孚伯合殯以成其志

李元堂聘妻杜氏

年二十二未成婚俄聞元堂病歿即閉戶自經姊排闥救之次日縞素過門撫

尸大慟哀動鄰里翁姑亦憐其志為之立嗣未及期年以過哀成疾臨終泣謂翁姑曰我死幸以衰經殮我遂

瞑目而逝

葉大觀聘妻陸氏

陸為養媳年十五未婚大觀病歿誓不再適孝事翁姑撫夫從子榮成立守貞

七十  
七年

于邦宗聘妻趙氏

夫亡趙年十八聞訃即日過門擗踊盡禮立夫從子名表為嗣旋卒偕婦卞氏

撫嗣孫成立守貞四十八年

潘如藥聘妻陸氏

幼失恃事父甚孝及笄許字如藥婚有日矣如藥以痘殤陸告于父往視含殮

哭泣盡哀旋即絕粒姑



哭泣盡哀旋卽絕粒姑  
慰戒之嘔血踰月而卒

支允上聘妻顧氏

年十三養媳未婚夫亡顧吞聲飲泣幾  
死者再或勸改適自矢益厲年二十二卒

葉大成聘妻某氏

餘賢隸農家女未婚夫亡歸夫家  
成服孝事舅姑守貞四十餘年卒

張明齋聘妻曹氏

年二十未婚夫亡在  
家守貞至七十二卒

張某聘妻湯氏

年未及笄許字張耀山子不數載張歿卒  
請于母歸張守志撫棺慟哭鄰里咸為嗟嘆孝事翁姑

三十餘載歿里人為書潛德隱微四字額其門後宅易  
他姓字已磨滅然陰雨冥冥時四字

痕迹宛然顯露里人咸賦詩紀之

高殿秀聘妻鍾氏

鍾上驥女未婚夫卒鍾聞訃慟絕遂素  
絲束髮足不下樓者年餘抑鬱以歿年

二十

顧東山聘妻沈氏

未婚夫亡沈年二十二聞訃奔喪撫夫  
從子大德為子早卒與其婦朱氏早夜

操作撫孤孫成立  
守貞六十六年

陳怡庭聘妻莊氏

陳抱廢疾未婚歿訃至莊痛不欲生乃歸陳守貞恪遵婦道然以哀毀致疾越

十五年卒

李書玉聘妻杜氏

杜禦能女未婚守貞年二十二卒

高中立聘妻金氏

為養媳于高年二十四未婚夫亡翁姑

謂之曰及我未死為汝定計我死亦瞑目金以姑老無依不忍離為辭未幾姑亦卒戚族以金笑笑請自為計金正色曰翁姑在已許我克終厥志矣眾知其貞懇不復敢言金以鍼帶度日所存薄產悉以分給族人守貞

五十九年

孫漣聘妻富氏

自幼過門年二十四未婚夫亡誓不更適撫夫從子學義為後一生勤儉孝事翁姑

年四  
十卒

沈世芳聘妻鄭氏年二十聞訃哀痛矢志不二侍

沈世芳聘妻鄭氏 年二十聞訃哀痛矢志不二侍 奉寡母以孝聞守貞六十二年

陳貞女 白馬堰陳宗寅女守貞不字繼 母歿遺二弟尚幼訓誨成立

陳倫敘聘妻沈氏 年二十三未婚聞訃慟哭瀕死旋起易 縞衣守志父母諷以改適不為動夫家

聞之迎沈歸衣布茹蔬日事鍼 菡以養翁姑守貞十九年卒

邱世德聘妻計氏 年二十一未婚聞訃即去妝飾誓不他 適卒歸于邱邱素貧衣食惟賴十指計

處之恬 如也

陸童子聘妻周氏 陸鴻飛之子周年十五聞訃大慟欲易 服以往父母知其志不可奪遂許之周

孝事舅姑舅姑歿喪葬 悉周措辦年五十五卒

彭某聘妻田氏 未婚守貞撫夫從子天 成爲嗣年九十二卒

張書賢聘妻杜氏 年十一未婚守貞現年四 十九守貞已三十九年

王貞女

名淑貞王有恒女母朱氏有恒家貧力作以助薪

立為嗣未幾胡亦卒王先後典衣資拮据喪費本立稍

長自就傅以至婚配皆王措辦母老病臥牀侍奉不稍

懈王思三棺權厝未了多方籌畫乃克舉葬初有求締

姻者王以寡母無人侍養立誓不嫁今年已五十七矣

母女相依有甘旨悉以奉母而以

野蕪自給稱貞孝者無間言也

馬元亨聘妻洪氏

年十四未婚聞訃誓不另適遂歸馬氏

章錫齡聘妻余氏

年十六許字錫齡越數月訃至夫家迎

張朝英聘妻盧氏

年二十聞訃即日過門守喪哭泣之哀

莊錫嘏聘妻徐氏

年十八婚有期而莊歿越七年有求姻

者至徐聞之夜半投繯為婢救免于是

莊氏涓日迎歸以遂其守貞

之志焉現存

以上新纂

秀水縣

明

高岑聘妻俞氏

未歸岑亡父母別為擇壻俞斷髮以死自誓父母憐其志不復強之閨六十餘年卒

郡守趙瀛奏旌  
建坊 趙圖記

館

聞人濂聘妻項氏

項元沂女未婚濂歿時年十六聞訃卽晝夜悲痛請濂衣履供奉樓居四十六

年足不履地終身  
不施笄總 劉志

沈貞女

字淑貞沈澤之女姊妹二人其姊嫁盛實早世議聘淑貞以續舊姻淑貞辭曰姊之夫非妹之匹也

遂誓終身不適人以處  
女終 兩浙名賢錄

江

國朝

王景直聘妻姚氏

生員姚遂昌女年十三父邁危疾姚禱三晝夜得丸于衣裾間父服之愈王聞

其孝聘焉年十七夫代父先甲死於難聞訃姚闔戶自經以救得免姚乃請于父母過門謁舅姑成服立夫弟

折

之子成喜為後未幾翁亡子亦殤姚截髮誓死守節以卒順治十四年 旌

李貞女

李夢康女性至孝四歲喪母哀如成人事後母以孝聞告其父曰我母早世何忍去父膝下父悲其

志聽之父病李禱于天有青鳥銜一朱實墜藥鎗中人稱孝感年四十七卒閩中黃道周題其墓陳懿典有傳

康熙十一年 旌 李鄴嗣繡州孝女詩遠我父母事

人父母誰無父母誰有父母少慕事親十年不字長慕

事親終身不字謂我女子謂我男子宛然孝子宛然處

子有父子倫無夫婦倫嬰兒子後惟此一人暮雨梨花

年年寒食麥粥 一盂父母之側

金鼎聘妻鍾氏

鍾楚奇女未婚鼎遇兵被害鍾年十七卽請于父母歸金守貞年七十七卒康熙四

十三年

旌

楊煥聘妻翟氏

未婚煥歿翟年十九聞訃奔喪號慟欲絕遂留事舅姑曲盡婦道舅姑卒歸母家守

貞歷三十九年康

熙五十三年 旌

沈元聘妻夏氏 未婚夫亡守貞五十七

沈元聘妻夏氏 未婚夫亡守貞五十七年 乾隆二十年 旌

薛壽國聘妻楊氏 過門守志戚族以薛氏貧苦為勸楊曰 雖餓不悔也于是父母聽其奔喪奉侍翁與繼姑 終身不改撫嗣子元桂成立乾隆二十七年 旌

沈世勳聘妻徐氏 年十九聞訃旋至夫家易服守喪績紡 以養翁姑始病侍奉甚謹撫夫從子恪 旌

延為嗣乾隆三十一年 旌

蔣在人聘妻鄒氏 未婚夫亡過門守制時年二十二孝事 舅姑撫嗣子紹裘成立一生勤勞未嘗 旌

稍暇年七十二守貞五十七年 乾隆三十七年 旌

王宗坦聘妻楊氏 未婚夫亡矢志守貞 乾隆三十九年 旌

生員姚廷銓繼聘妻曹氏 年十九許字廷銓次年夫亡曹 卽過門成服撫尸大慟誓欲身 旌

殉翁姑再三慰諭乃止年六十九卒 守貞五十年乾隆四十三年 旌

沈錫曾聘妻萬氏 年十六許字錫曾次年夫亡許聞萬即更服過門守貞四十一年乾隆四十五

旌年

生員方愷聘妻卜氏

愷入泮後攻苦嘔血卒許至痛絕請于父母過門守制時年二十四守貞

四十年乾隆五十六年旌

朱鳴盛聘妻蕭氏

未婚朱歿蕭聞許告于父母易服過門衰經擗踊姑憐其志以長子之子克紹

為之後寡姑撫子茹荼二十載年四十歲卒

姚正宗聘妻沈氏

沈琛女方二歲即許配正宗正宗年十四而歿未婚守貞至二十六歲父欲更

締姻沈憂念卒

沈貞女

嘉興沈成之孫女許字秀水某未嫁夫殤沈誓不改適守貞十二年卒

范懋聘妻沈氏

未婚守貞事蹟無考以上吳志

卜明叔聘妻謝氏 錢塘人明叔父死于盜乃依樓外家上



卜明叔聘妻謝氏

錢塘人明叔父死于盜乃依棲外家一

歿謝聞訃請于父母曰女雖未成婦此心許卜氏久矣

夫從子翼斯為後守貞五十一年

卜洪聘妻謝氏

未婚夫亡過門守貞五十餘年以上卜氏家乘

孫貞女

名一揆鍾瑞妹守貞志寂鍾瑞建參同精舍以遂其志焉秀水任志

沈某聘妻路氏

鳳池坊監生路祈純之長女年十三未婚聞訃在家守貞三十一年父病篤時刲股

療之病得痊

徐公藩聘妻諸氏

年十九未婚聞訃即欲自經父母慰解之諸泣曰兒徐婦也請歸于徐夫兄公

千聞之遂迎諸歸越二年哀慟成疾康熙甲子元旦趣具湯盥沐整衣卒

錢維垣聘妻沈氏

沈思皇女許字於錢未婚錢歿心喪三年畢欲絕粒以殉屈壬子歲朝沈不起

父使其姊問之沈于枕畔出自誓文一篇父母知其志不可奪令其過門廟見以成婦道沈請于翁姑立嗣撫之同人俱賦詩以記其事 陳梓秀州沈貞女詩深谷孤生蕙靈泉別有源寶珠明自晦良玉粟而溫許字纓先屬知名訟早敦麻衣愁結緒藤枕淚編痕終服當元日哀詞告二尊孝思延喘息誓已絕饗殮弱質綱常繫貞心節操存為將彤管紀不覺肅吟魂

沈祖奎聘妻路氏

年十九夫亡誓不再字孝事父母乾隆丙子歲歎多瘦沈翁老且病路涕泣往

侍歿後為殯殮守貞四十七年

萬某聘妻袁氏

年十九萬病瘵袁聞語其姊曰吾其為萬氏鬼矣及卒欲往視含殮父母不可袁哭

一晝夜不絕聲勺水不入口遂適萬氏 訣女紅以事姑踰年歿吳紹曾為傳

范燦梁聘妻曹氏

曹泰真之仲女名素位少許字同邑范汝英次子燦梁燦梁以病瘵卒曹時年

二十三聞訃即誓死不嫁范氏重其貞節迎之歸以夫弟之子世勳為嗣邑令張圖南表其廬曰未字奇貞年

五十  
一卒

沈某聘妻徐氏

濮院鎮人父晨山自幼訓以詩禮敏慧婉嫵長能詩父疾篤徐撤環瑱以奉湯藥父

歿越牛載沈氏子病歿時徐年十八計至欲奔喪家人百計阻之徐志不可奪卒往視含殮誓守終身徐初歸沈卽取舊所作詩草摧燒之或傳其立夏日追念其父有句云不知地下逢今日也有青梅佐酒無足以見其

貞孝矣詳

陳梓傳

石孝貞女

女幼從父爾敦自吳江遷來願終身依父母有幼至卽詈之父母亦不之強勤操作以養務得

歡心親歿率兩弟營窆處骨肉間諒極施摯年七十卒羣目以貞孝石長姑云

生員張世哲聘妻曹氏

年二十五夫亡聞訃矢志不嫁後賃居殯所守貞四十四年

葉周慶聘妻李氏

夫亡李蓬首垢面與嫂同居紡紉年二十五卒

陳貞女

陳樹年女六歲失怙世母路氏撫之世母老且病笄一身分陳朝夕侍奉迨世母歿陳年已四十遂

終身不嫁與寡嫂張氏  
安貧相守年六十一卒

朱樹本聘妻李氏  
未婚守貞年六十七卒  
學使某給柏舟矢志額

金貞女  
朱汝需妻施氏媵婢也朱故貧施茹荼守節金時  
年甫十六勤鍼黹以助主母已而終不忍去守貞

不嫁施歿時金年五十九越  
十年卒附殯于施氏墓側

潘廷柱聘妻蕭氏  
年二十夫亡在室守貞  
足不出閫者五十九年

王孝先聘妻朱氏  
朱應龍女年七歲為養媳夫忽患瞽舅  
姑憐朱年少將為之另字朱聞瞿然曰

此新婦命也安之而已未幾夫亡朱年十七舅姑又欲  
嫁之朱請立夫從子信成撫之孝奉舅姑竭力耕織守

貞四十  
一年卒

王錫恩聘妻潘氏  
年十二為養媳十七夫病歿眾勸改適  
不從事翁姑盡禮勤紡織寡言笑現年

七十  
八歲

陳士榮妻沈氏  
年九齡為養媳十六夫亡始陳蚤寡止生

陳士榮妻沈氏

年九齡為養媳十六夫亡姑陳蚤寡止生

願侍奉一日即窮苦餓死不怨也于  
是撫夫從子紹熊為後現年六十

李兆芹聘妻陶氏

年二十七未婚夫亡現  
年五十五以上新纂

嘉善縣

明

陸允孝聘妻許氏

年十七夫亡父母舅姑皆令更字許截  
髮自誓曰吾以身許陸從一之義守死

不渝遂依母紡績終  
身舊浙江通志

莊世植聘妻任氏

年十九未婚夫亡依寡  
姨顧氏守貞詔旌其門

陳志道聘妻許氏

年十七夫亡矢志不嫁及翁萬載歿許  
即往奠遂留侍養姑撫夫弟永昌為嗣

以上計

善烈女傳

李碩果聘妻顧氏

夫暴亡顧痛不欲生奔喪守志孝養翁姑二十七年 吳志

吳宗昌聘妻龔氏

夫亡父母議更字龔毀容截髮以死自誓衣縞素獨處一室年二十七病革請

舅姑面訣且欲歸葬于吳許之乃瞑邑令莫大勳表之 袁志

生員王璈聘妻金氏

年十八婚有期矣璈病歿金衰經執喪守墓三年翁憐其志以幼子份嗣

之份幸 西舉人



李承章聘妻朱氏

未婚夫亡守貞終身邑令莫表之 以上嘉善崔志

高大倫聘妻奚氏

未婚夫亡夫妹嫁董卿亦早寡奚過門始嫂矢志守貞三十餘年

監生錢璜聘妻褚氏

夫亡奔喪守貞撫夫從子源為嗣源孝謹兼有文名

沈治豐聘妻張氏

吏科張王典女宦山右治豐就婚歿於途張年十九誓不更字抑鬱成疾卒

錢廷銓聘妻孫氏

長山令孫衍女淑慎通書史許字司理錢黯孫廷銓未婚夫亡孫年十六侯父

宦歸九請守貞遂請歲考奉至掛開

宦歸力請守貞遂詣錢孝奉重闈  
茹荼七載營夫殯後竟不食卒

孫宸樞聘妻倪氏  
年十九未婚夫亡守貞三十餘年  
其姑徐庠生孫邦裘妻以慈孝聞

生員蔡純仁聘妻陳氏  
許蔡為繼室未婚守貞撫  
前子成學訓女徒自給

郭宏聘妻顧氏  
汾湖人未婚守貞與  
陳貞女稱蘆川雙節

闕永嘉聘妻李氏  
年十九未婚夫亡歸闕守  
貞撫育嗣子至六十四卒

張道源聘妻周氏  
年十九未婚夫亡歸張守  
貞孝事舅姑至五十一卒

高德聘妻張氏  
父君耀以德有孝行以女字焉德感異  
夢度為僧張誓不嫁守貞四十餘年

丁傅臣聘妻沈氏  
未婚聞訃奔喪立夫從子為嗣性孝紡  
績所餘問遺父母不絕守貞四十餘年

沈映箕聘妻汪氏  
夫亡汪年十八矢志守貞請于舅姑得  
夫遺像朝夕對之悲不自勝年三十卒

黃智林聘妻程氏  
夫亡程年十六守貞至三十三歲念  
舅姑衰邁過門奉養至五十餘卒

馮學陳聘妻徐氏

年十九未婚夫亡守貞三十  
年以上嘉善戈志

楊永熺聘妻路氏

年十七未婚聞訃誓以身殉父母慰止  
之遂往夫家守貞三十七卒懿行編

國朝

楊熙揆聘妻陸氏

年十五未婚夫亡誓不更字守貞  
至六十六卒乾隆二十年旌

許端揆聘妻陳氏

年十七未婚聞訃過門執喪守貞  
六十七年乾隆二十四年旌

錢南岡聘妻顧氏

年十七聞訃歸夫家守貞至六  
十八卒乾隆五十一年旌

程模聘妻吳氏

金山人未婚夫亡聞訃馳赴  
守貞孝養舅姑越三載卒

陳永梓聘妻朱氏

幼許字陳夫亡朱年二十聞訃捨地欲  
以身殉父母勸慰因卽縞衣歸陳守貞

八年

潘洪仁聘妻任氏

年二十三許字于潘夫患癩症且貧不  
能娶舅姑遣媒持聘還之女毀容截髮

曰我寧死不受二姓聘遂依父



曰我寧死不受二姓聘遂依父母紡績盡孝守貞年七十卒

馬易元聘妻朱氏

未婚守貞夫兄宏儒妻顧氏早寡人稱一門貞節

葉承堯聘妻錢氏

未婚夫亡計至父母匿之錢探知大慟遂往執喪終身足不踰閭年八十卒

阮懋嘉聘妻費氏

年十三許字毛十五夫亡即辭父母過門撫尸哭盡哀終身茹素守貞四十九

年

張朝徵聘妻張氏

年十九聞訃痛哭奔喪守貞以卒

曹相傳聘妻孫氏

未婚守貞撫嗣子炳仁官閩中典史先歿孫晚年荼苦備嘗至八十餘卒

吳季壩聘妻戴氏

未婚聞訃涕泣請于母兄欲過門執喪不許欲以身殉乃為請于吳吳復以禮

辭戴日益悲傷致疾將卒遺言以吳氏殮時年二十四

生員沈培遠聘妻張氏

年二十一許沈為繼室沈邁痼疾未婚而亡張年二十七聞訃奔喪

撫前子成立守  
貞四十二年卒

朱九思聘妻懷氏  
年二十未婚夫亡歸  
朱守貞至七十八卒

沈上珍聘妻姚氏  
年二十一未婚聞夫訃欲自盡父  
母慰諭乃歸沈守貞至五十六卒

生員謝均聘妻費氏  
夫疾篤或微諷之費曰子不為烈婦  
必為貞女及訃至則已不寢食七日

請于父母欲奔喪成服不可則以死自誓許之  
乃歸謝守貞後以夫弟拒官部郎 贈贈恭人

張萬足聘妻姚氏  
年十二為養媳十七夫亡尙未成  
婚姚誓不更適守貞三十九年卒

吳懷楨聘妻錢氏  
蔡學夔聘妻姚氏

生員孫鈞持聘妻蘇氏  
邱如岡聘妻錢氏  
以上  
新纂

海鹽縣

明

潘某聘妻姚氏  
沈家亭人潘貧父欲絕婚姚年十二聞父

潘某聘妻姚氏

沈家亭人潘貧父欲絕婚姚年十二聞父言即自扃一室不復出守貞至五十五卒

徐某聘妻吳氏

吳泮林女年十五夫亡訃至給其父母曰姑一視舍殮以了此心母率之行至則伏

柩大哭誓欲終守未幾父迎之歸聽其守貞以卒

吳中宰聘妻王氏

年十七夫亡王辭母歸吳守貞後哀至輒絕口不食不數日死以上二人邑

令俱表之

朱祥符聘妻陸氏

年十四夫亡訃至慟哭幾絕即易服誓守久之以淚枯失明年僅二十二卒其

舅國華哀之迎其柩與祥符合葬焉 以上海鹽圖經

國朝

張芳濬聘妻俞氏

海寧俞宣瓊女合昏有期而夫亡訃至俞慟哭欲奔喪遂絕粒母憐其志乃令

至張旦夕上食幃前哭盡哀三年如一日平日布衣蔬食後更茹淡其堅苦有人所難者尋以嗣子塲痛悼成

疾年僅二十九  
康熙三十六年 旌

徐禹聘妻朱氏

年十九未婚夫亡訃至將所製嫁衣納還繼母足不下樓者五年翁迎之歸事翁盡

孝撫夫從子為子  
守貞三十二年

許漸嘉聘妻劉氏

年十七未婚夫亡聞訃即服滿以殉母力救得免遂至夫家成服獨居一室撫

夫幼弟成立紡織營葬父母守貞四十九年  
以上雍正十一年 旌

吾定仁聘妻朱氏

朱倫女未婚夫亡朱年二十三聞訃易素服往夫家不返奉夫遺像為夫營葬

已亦穿墻于旁志同  
穴也守貞十九年卒

葉仙芝聘妻張氏

張容書女未婚聞訃服滿父母救免始議奔喪舅姑以家貧辭之張號泣翦髮

遂詣夫家守總幃後舅姑兩喪相繼竭力殯殮遂致病  
日我事畢矣戒其嗣子勿進醫藥守貞三十年 以上

雍正十二年 旌

吾紹先聘妻陳氏年十八未婚夫亡矢志守貞

吾紹先聘妻陳氏 年十八未婚夫亡矢志守貞 年六十三卒乾隆元年 旌

朱薇垣聘妻祝氏 未婚薇垣遊粵東卒有勸祝父母別許者祝覺之嗚咽欲絕朱之族聞之為立

嗣迎 養焉

汪蘭言聘妻徐氏 年十八夫亡聞訃奔喪守貞姑死歸 母家翁死復歸于汪年四十三卒

劉西侯聘妻胡氏 夫亡聞訃往劉憑棺視殮旋歸母家晝 夜紡織父母歿會姑病篤復往劉調視

湯藥克盡婦道 以上乾隆三年 旌

陳應龍聘妻朱氏 未婚過門孝事翁姑守貞 四十五年乾隆六年 旌

鄭調元聘妻許氏 未婚聞訃奔喪事翁姑以孝姑 歿哀慟成疾卒乾隆八年 旌

俞汝諧聘妻張氏 年十五夫亡奔喪成禮翁姑俱沒悉為 安葬旋歸母家守貞至四十一卒乾隆

十二年

旌

黃星河聘妻張氏

夫亡奔喪孝事翁姑撫育幼叔叔歿無子與寡姊曹並勵貞節乾隆三十二年

旌

韓振墀聘妻徐氏

夫亡聞訃閉戶自經者數四家急救之蘇遂奔喪守貞終身乾隆三十八年

旌

何顯業聘妻馬氏

夫亡聞訃過門守貞以從子蔚文為嗣乾隆四十一年

旌

葉駕璜聘妻張氏

張揆三女年二十二聞訃奔喪撫嗣子務本如已出守貞三十四年乾隆五十

七年

旌

任省脩聘妻許氏

聞訃過門撫夫從子蘭生為嗣守貞二十四年卒嘉慶元年

旌

朱乘聘妻曹氏

年二十三夫因哭母亡聞訃歸朱守貞終身縞素年六十二卒

以上吳志

李天植聘妻張氏

年十八字李未婚夫亡守貞五十餘年邑令張素存表之

朱御六聘妻曹氏 未婚守貞撫夫從子

李天植聘妻張氏年五十餘年邑令張素存表之

朱御六聘妻曹氏 未婚守貞撫夫從子子 墨為嗣年九十餘卒

許某聘妻劉氏 劉錫恩女名保為許所聘許亡保年甫十 五嘆曰夫死安用生為潛取鹽鹵服之父

母力救始甦越五年父母將嫁之又以死誓乃過 許門成子婦禮尋歸于劉紡績度日以遂初志

朱廷珩聘妻劉氏 廷珩以病嘔血未娶病劇卒劉年十九 聞喪投繯嫂力救不死旋易縞素請于

父必臨其喪父屢止之踰月始得斬衰過門憑棺慟哭 請畱侍姑父不能止始為立嗣勤苦紡織僅給饘粥奉

寡姑盡孝三年喪畢亦嘔血卒年二十二 彭孫貽三 貞女傳吾里同時有三貞女廷珩妻其一也其二為曹

氏邑諸生曹陳礪女許字于朱乘乘貧未娶病卒曹氏 守貞不字年踰三十矣其一為徐通判升貞女印鴻玉

妻鴻玉父廷榮為奴所弑驚怛得痼疾不知人積療不 瘥遂辭婚徐泣曰女子從一而終豈以盛衰易節乎請

歸于印升貞泣而從之姑蔣病已革撫婦泣曰吾兒有 托吾目可瞑矣遂卒既終喪攜鴻玉同至升貞家產薄

不給女紅佐之鴻玉雖廢疾時其飢飽寒燠幾微無慍 色人皆賢之斯二氏者一則年未登艾例不得旌一則

所天尚在諒難見節易曰苦節不可貞二女之謂矣

吳箕基聘妻陳氏 夫亡聞訃歸吳截髮毀容隣里罕見其面守貞四十餘年

邱某聘妻陳氏 幼字邱上瞻子聞訃守貞四十餘年

張貞女 名月悟父母歿時俱以幼弟廷璉囑張撫育張遂不嫁教養其弟二十餘年年四十卒司農俞以貞

孝貽芳 額贈之

周兆熊聘妻蔡氏 年十三許字周十六夫歿蔡曰我其為北宮之女乎久之歸周守貞三十餘年

許某聘妻劉氏 某殤劉欲送殮父止之不可乃往易衰經盡哀旋歸母家守貞終身

周某聘妻蔡氏 周殤蔡依母家守貞以終

吳某聘妻陳氏 陳殤守貞母家終身不嫁

吳掇史聘妻朱氏 父文儀見掇史八疊秋與杜韻詩甚工遂以女許之未婚夫遠遊不歸或傳其

容死朱歸吳立



客死朱歸吳立嗣年四十八卒

陸學海聘妻吳氏

吳振元女九齡父母歿即歸陸為養媳孝事翁姑迨年十九未婚夫亡撫嗣子

守貞四

十二年

姚君亮聘妻李氏

李長庚女有至性年十三為養媳甫五月未婚夫亡甘貧矢志事舅姑養生送

死俱盡禮守貞五十七年副憲

陳公佐以節媿柏舟額表之

李振先聘妻馬氏

馬家堰人夫暴亡馬年十八聞訃投縵母驚救之得不死遂至夫家撫從子如

松為嗣守貞

四十餘年

孫貞女

孫天佑女父母年老奉侍膝下終身不字撫從子繩成立

吳某聘妻陳氏

幼字吳德昭子年十七聞訃奔喪事翁姑盡孝年五十七卒

陳某聘妻沈氏

字陳大年長子未婚而亡沈至夫家守貞終身

李雲卿聘妻查氏

許字後李日貧父將另字他姓查不從遂驅之出查泣別父母歸李日事女工

絕無怨意未幾邁疾不起語雲卿曰已矣若汝何歎  
獻訣別夫感其義終身不娶 以上海鹽續圖經

案李查氏矢志不二貞操卓然向列節婦中今特附於貞女之後

沈貞女

年十六喪母遺弟榮甫二歲父廷琦續娶盧氏沈事之以孝聞踰年盧又沒沈事父益孝父欲嫁之

沈以父衰弟幼為辭貞潔自守助弟操家以終其身

金貞女

金君祥女年二十六喪母弟妹三人尚幼父義不  
再娶金亦誓不字撫育弟妹以成父志八十四卒

范坤元聘妻高氏

將婚夫亡父母憐其少欲令擇嫁高不從乃立膳田以成其志

李貞元聘妻俞氏

年十七夫亡過門守貞奉事翁姑閨三年以哀毀成疾卒

俞用礪聘妻王氏

將婚夫亡王絕粒誓死越五日過門撫夫從子守志未終喪卒

顧某聘妻王氏

年十九夫病篤請婚父母不可王聞之願歸顧奉侍甫五十日夫亡翁亦歿竭力事

姑守貞

顧某聘妻王氏歸顧奉侍甫五十日夫亡翁亦歿竭力事

姑守貞  
終身

費介臣聘妻徐氏

字費為繼室未婚夫亡徐奔喪過門事姑盡孝撫前子一峯如已出娶俞氏子

又歿同婦撫孫  
廷楨苦守貞節

館

俞耳鉉聘妻胡氏

鉉力學能文將婚而亡胡年二十一聞訃以死自誓遂適俞恪守婦道服未闋

卒

朱貞女

父母年老多病無人侍奉不願許字終身奉養父母年六十五卒

徐相周聘妻陳氏

徐館京邸客死陳守貞母家女工度日年七十二卒

沈貞女

字同里吳氏子未婚夫亡沈哀毀盡禮守貞不字卒見燈菴詩鈔

王貞女

少受夏氏聘未婚夫亡王年十九聞訃矢志守貞終身

顧馨聘妻陳氏

年十九未婚夫亡陳飲泣誓死父憐其志許往顧家立夫從子奎為嗣守貞二十九

年

夏肇淮聘妻田氏 未婚夫亡田過門 守貞孝事翁姑

賈某聘妻潘氏 潘懋穀女許字賈某久出不歸潘 願事其父紡織奉養以終其身

吳某聘妻周氏 文溪人早失怙為吳養媳年十二 夫亡矢志不易守貞至八十二卒

徐鳴高聘妻馮氏 未婚聞訃過門守貞邑令王如珪給額 曰志懷霜雪學使于以冰操永固四字

表其間 以上 海鹽續圖經

沈萊為聘妻崔氏 崔左朝女年十四未婚 夫亡守貞五十餘年

宋貞女 名春蘭吳宦菴婢矢志貞 潔終身不嫁年六十七卒

陸應元聘妻姜氏 年十二為養媳未婚夫亡 矢志守貞現年五十八

李騰麟聘妻周氏 年二十六許字未婚夫亡周矢志守貞 遂適李孝事邁翁撫從子敏泰為嗣現

年五十六

顧正元聘妻王氏

顧遵危症王聞之欲往侍疾父母止之遂絕粒已而許之至顧門夫病不起躬

奉湯藥夫歿王年二十家無恒產紡織養姑姑歿鬻衣服斂之終喪歸守母家現年五十一以上新纂

平湖縣

明

毛某聘妻沈氏

沈渭女少字毛坤子某及笄將嫁夫浪遊不返翁憐之欲令他字沈不從請于父母

歸毛立後守貞以終 劉志

張應祥聘妻陸氏

浙江通志作孫 年十三許字嘉善張應祥逾年夫亡媒氏來議姻陸入戶翦髮

鍵關不復出其孀李氏亦釐邑令黃燄表曰一門雙節

蔣衍章聘妻陸氏

衍章歸安人病瘵不克成婚禮告其母願謝婚陸年十七泣請行至門則章已

屬曠矣泣視含殮畢誓死不歸日  
坐斗室督老婢蠶績萬歷時旌

陸在德聘妻曹氏

年十九夫以疹卒曹聞訃哭臨視棺殮  
畢誓死不歸與所攜婢陳氏紡績相守

年六十餘卒陳感  
其義亦終身不字

生員陳龍馭聘妻錢氏

名冰庠生錢澹女夫年十七補諸  
生將婚病瘵死訃聞盡易縞裳將

奔喪以母病止後三年會葬其夫憑棺號哭淚湧繼以  
血葬畢遂入陳門翁為立後以遂其志 以上平湖程  
志

張洪遵聘妻顧氏

年十七未婚夫亡聞訃欲哭臨給父母  
以三朝當歸遂留夫家不一載翁姑詈

逐之顧志益堅至五十七卒  
邑令賴垓表之 平湖朱志

國朝

生員錢長庚聘妻時氏

年十八許字錢二十一夫亡聞訃  
矢志茹齋服縞至三十六歲舅軼

千高其節迎歸家中落親操井臼孝養舅姑撫  
夫從子且成廿年六三本說卷四三孝養舅姑撫

千高其節迎歸家中落親操井曰孝養舅姑撫  
夫從子坦成立年六十三卒乾隆四年 旌

案時氏吳志誤作何貞女許聘錢軼  
千第二子而不書長庚名今正之

陳孟麟聘妻翁氏

年十齡為養媳于陳越二年夫病痢亡  
翁呼天號泣儼若成人及笄兩家父母

憐其年少議更嫁之則泣而以死自誓乃止事舅姑以  
孝生平言笑不苟雖兄弟相見必正容肅對晚年葬夫

遺骸號哭送窆觀者  
為立下守貞五十餘年

盧儼思聘妻沈氏

年十齡許字盧翁生甫官遵義府知府  
歿後家甚貧儼思因就傅外家病歿沈

年十八慟哭絕粒數日強之食乃服穰麻日依靈次以  
示終身無二志後歸夫家事姑盡孝撫夫從子保七為

嗣守貞四十餘年以  
上乾隆十二年 旌

胡宏源聘妻孫氏

年十七未婚聞訃過門孝事舅姑姑歿  
撫夫弟溶成立守貞三十餘年乾隆十

四年

旌

生員姚培善聘妻黃氏年二十一未婚聞訃奔喪事舅姑以孝撫夫弟培永子錫齡為嗣守

貞四十餘年乾隆十八年旌

何世培聘妻陳氏

年十七未婚聞訃誓欲奔喪舅姑知其志不可奪乃迎以歸哀毀成服以夫從

子如鏞為嗣守貞二十四年卒乾隆二十四年旌

顧玉山聘妻王氏

年十六許字未婚訃至痛不欲生母周許以守志乃脫簪衣布誓無二心越數

年舅昂歿王奔喪成服哀毀盡禮後夫弟蕊芳生子萬資撫以為嗣守貞二十二年卒乾隆三十八年旌

舉人翁光遠聘妻韓氏

光遠改籍大興乾隆甲子領順天鄉薦乙丑奔父喪歸服闋而歿韓

年二十六聞訃奔喪矢志不二孝事祖姑及姑撫嗣子敘讀書成立守貞三十年卒乾隆四十六年旌

吳嗣荃聘妻劉氏

年十八許字吳二十三聞訃製服往哭或以未成婦諷對曰納吳氏幣即吳氏

婦矣豈以未成婚異乃心乎守貞三十年卒與夫合葬焉乾隆五十九年旌

某某聘妻汪氏 汪端侯女幼字某某 歿父欲另字汪瞿然



戈某聘妻汪氏

汪沛侯女幼字戈弑父欲另字汪瞿然曰豈有一女而許兩姓者乎更其衣衣麻

經往戈宅拜其夫靈再拜翁姑遂畱守制戈家貧輒以鍼指紡織之資佐之年二十餘病瘵而殞見西野筆談

施某聘妻屠氏

某病日者曰得喜可愈遂令屠過門期月某死屠猶未廟見成婦也後姑亡歸養母

家守貞終身

見受中編

徐貞女

名春梅曹睿婢也睿夫婦相繼亡遺子女二人皆幼春梅年二十餘不嫁以撫睿子女睿家貧僅存

薄田九畝睿兄屢逼嫁之志益堅勤苦十餘年為睿子女婚嫁畢子女有過涕泣勸遵年五十八卒

陸濬默聘妻過氏

幼喪母適陸為養媳靜默寡言笑陸殤過抑鬱飲泣尋卒合葬于六里墩

劉某聘妻曾氏

劉海鹽人甫弱冠以羸疾亡曾聞訃不食累日請于父母送劉葬憑棺一哭因乞廬

墓不許久之罹奇疾卒以上平湖朱志

胡迓衡聘妻劉氏

性至孝少字胡右宏子未婚夫亡誓不改適茹素終身年八十餘卒

沈本然聘妻陸氏

未婚夫亡遂往夫家獨處小樓屏去服飾歷四十餘載事舅姑生養死葬無不

盡禮邑令

表其門

陸某聘妻黃氏

未婚聞訃即號泣奔喪既葬獨居一室歷五十餘載其婢為所感亦終身不嫁

劉某聘妻吳氏

父楫許配劉氏子亦貧困遠遊歲久不歸吳年幾三十劉子音信仍杳吳叔父已歿遂至夫家以盡婦道紡織所出為夫弟婚娶又念父無子力營兩世寔少

年五  
十卒

江耀武聘妻陸氏

夫亡陸欲奔喪為親長所柅有乞姻者至絕粒五日乃止父母歿歸江越明年

疾作而逝  
乃合葬焉

袁御龍聘妻楊氏

楊魯占女幼字袁未婚夫亡父將更適之楊哀號誓死父遂不復言楊杜門所

袁守貞十餘年卒之日涕泣告請合葬袁氏子奉以上吳志

顧立山聘妻吳氏  
幼許字顧顧七吳年二十一兄欲更嫁之誓死不從此夫兄岳山妻袁氏妾居

顧立山聘妻吳氏

幼許字顧顧亡吳年二十二兄欲更嫁之誓死不從夫兄岳山妻袁氏棲居憐

其同志迎以歸孝事舅姑及歿與袁拮据喪葬撫嗣子宏木成立吳年六十卒袁至七十餘乃卒

馮千鶴聘妻錢氏

嘉善錢應綸女年十六許字未婚聞訃矢志守貞越三年母病歿錢却飲食死

馮氏哀其志迎柩合葬焉  
以上平湖高志

馮錫祚聘妻張氏

年二十三未婚聞訃奔喪事翁姑甚孝撫九齡嗣子思禮至于成立守貞三十

六年卒

馮如錫聘妻潘氏

年十八未婚聞訃慟哭嘔血改服縞素依兄正宏以居兄歿復依姪世澄馮氏

義之為立後延之歸屏居小樓感族罕覲其面守貞三十一年卒

戈南吉聘妻馮氏

南吉居父喪哀毀歿馮年十九聞訃絕粒三日遂往奔喪立從子君錫為嗣葬

後仍歸依父母父亡馬慟絕復甦遂得心疾越二年卒嗣子奉柩與南吉合葬焉

王其聘妻王氏

年十九未婚奔喪事翁盡孝十八年如一日翁歿歸依母家守貞二十八年

高楚玉聘妻顧氏

年二十一未婚訃至痛欲奔喪父母諭止之遂長齋素服在室守貞父母繼歿

依其弟德均以居年七十餘卒

張兆清聘妻李氏

年二十未婚聞訃過門以夫從子琦為嗣教之讀書游庠琦早世撫孫忠辛勤

持家者五十年

陸聲遠聘妻金氏

蘇州人幼許字陸未婚夫亡金年二十三號哭奔喪事姑袁盡孝姑歿殯殮盡

禮歲壬午營葬五棺于祖塋側金年五十後積勞成疾雙目皆瞽近族無可依乃與寡妹王金氏同居守貞四十年

高洽聘妻葉氏

洽所居室圯梁壓而頌時葉年十六聞訃即毀收茹素踰年奔喪會葬守貞不歸以

夫弟涵子廷墳為嗣年六十四卒

朱八慶聘妻蔡氏年十三為養媳十五夫亡誓不再適

朱八慶聘妻蔡氏

年十三為養媳十五夫亡誓不再適營葬翁姑幼叔裕隆庶姑嚴出也嚴死蔡

撫之成立守

貞三十四年

劉剛中聘妻朱氏

年二十五未婚聞訃痛哭矢志依父母以居母歿兄欲奪其志不可已而聞夫

弟震中殤近族無可嗣乃往經理殯殮仍歸紡織度日積數年始克葬其夫守貞二十六年卒剛中從兄九錫

為迎其木

主以歸

李清聘妻陸氏

年二十未婚聞訃遂服喪經過門敬事舅姑始終不倦學使王杰給松筠節操額表

之守貞三十餘年

以上平湖張志

潘東明聘妻陸氏

陸燮昌女幼字潘未婚潘客京師久不反燮昌家故貧陸日勤女紅佐之及父

卒戚族議更嫁陸曰許潘父命也敢有二志且潘若在生還有日如其已死吾寧忍背之其弟紹堯妻俞氏年

二十三寡共處一室以貞節

相勗陸守貞至六十八卒

陳大經聘妻俞氏

幼字陳為繼室未婚夫亡俞年二十一矢志守貞遂易服奔喪舅家貧姑多病

謹事二十年以孝稱撫前子長大後子婦相繼歿俞家徒壁立惟與官婢相依以老

沈謙益聘妻徐氏

年十九未婚聞訃泣語父母曰聞沈無兄弟兒若不往誰奉侍者父母以其志

堅從之既奔喪善事舅姑及歿親營窆多葬夫于旁年五十一卒

王貞女

張兆麟妻媵也兆麟將納之尋歿遺子二女一王家勤苦拮据婚嫁年五十六卒

范璠聘妻顧氏

少失怙恃育于寡姑年二十三許字范明年夫亡矢志不移越四年翁姑迎以歸守

貞已三十七年

張世傑聘妻陳氏

年十七許字于張是年夫歿訃至陳絕粒數日父母慰諭之乃奔喪成服家貧

勤操作以養姑守貞三十二年

監生龔廷林繼聘妻黃氏年二十七許龔為繼室聞訃哀

監生龔廷林繼聘妻黃氏

年二十七許龔為繼室聞訃哀號誓以身殉母陸防護之乃請

于父奔喪成服事本生姑張盡孝撫元配徐氏子文烈繼配李氏子文燕文然守貞歷二十年

生員劉昕聘妻王氏

幼聰慧讀書知大義孝經女論語女誠列女傳諸書無不通曉年十七許

字劉時劉攻苦勤學體羸弱多疾久不議婚越七載婚有日矣卒以羸疾療治不起王一聞訃至即欲親視含殮夜半篝燈手製喪服告於父母勸止之不可遂奔喪撫棺長號絕而復蘇者再舅姑愛憐之王侍左右彌盡孝敬族黨以為賢立從子為嗣以孝經口授之

徐珩聘妻張氏

幼字徐夫病時疫亡張年十九聞訃飲泣潛易縞素夫將葬痛哭願往其姑聞而賢

之迎之歸曲盡孝養姑疾侍奉湯藥經年不倦撫夫從子金絨為嗣守貞二十年以上平湖王志

許汝溶聘妻郭氏

年二十未婚聞訃即欲奔喪為戚族所阻依兄嫂居十年翁憐其意迎之歸立

汝溶從子佳木為後守貞已二十八年

朱士模聘妻劉氏

年十六夫亡聞訃慟哭欲往視含殮父母勸止之劉乃衣縞素獨居一樓戶外

不聞言笑年三十三翁錫祚歿劉即奔喪成服事姑恪盡婦道邑令黃嵩齡表之

范儀滢聘妻顧氏

未婚夫亡矢志守貞以上新纂

石門縣

明

吳玠聘妻張氏

未婚夫亡張乞視殮既至毀容斷髮死守吳門父母弗能強玠有妹與嫂相激厲亦

沒齒不適人

浙江通志

國朝

范懋英聘妻沈氏

年十八聞訃慟絕而蘇遂過門奉姑撫從子為嗣乾隆三年

祝昌宗聘妻錢氏

年十九未婚夫亡衰經奔喪以死自誓姑病刲股以瘵立從子咸章為後早歿

浙

圖

書



復撫咸章弟咸慶成立守貞  
四十年乾隆十一年旌

錢念劬聘妻陳氏

年二十二未婚聞訃倉卒奔喪姑泣曰  
吾嫠婦也貧無立錫難以自活安能活

汝耶陳曰婦十指所入足以給薪水無慮匱乏于是日  
夜紡績奉姑又積餘資營葬其舅與夫撫從子某為嗣

勤劬備至守貞三十八  
年乾隆十四年旌

朱璜聘妻沈氏

未婚聞訃沈方紡績斷續大慟衰經往哭  
父母不能奪其志也乾隆二十五年旌

案石門

旌冊有朱璜聘妻沈氏採訪冊又有朱璜

聘妻沈氏其事蹟云沈淶生女璜幼失怙恃就學于婦  
家弱冠為諸生婚有期而璜病歿訃聞沈奔喪過門絕  
粒者數四長者慰勸之乃竭力孝養其後舅姑與夫及  
父母之葬俱以一身營之人稱其孝云  
云未詳是一人否附書于後以俟再考

陸某聘妻顏氏

名雪姑陋巷村顏志曜女未婚夫亡顏矢  
志守貞四十餘年同時陸自顯女許字陳

莊沈某亦未婚而歿陸往視含  
殮即畱其家閉門茹素終其身

魏君瑞聘妻施氏

農人施裕泉女未嫁而君瑞以遠商卒于道時施年二十一斷髮自誓勤紡織

以奉母歷四十餘年

以上浙江通志

勞之芳聘妻管氏

海寧人將請期之芳卒聞訃一慟幾絕請衰經往哭父母難之請死以骨往殉

父母乃許其過門號泣擗踊誓不欲生乃嗣夫弟之裕

子綸為後娶談氏平湖進士談允誠女之裕病篤談虔

禱于神獲痊勞氏一貞

一孝人咸稱之 吳志



聞光大聘妻沈氏

年十三為養媳未婚而光大歿父令再適號泣不從撫立從子又死勤苦操作

以奉舅姑

年七十卒

胡君卿聘妻李氏

乾隆丁卯秋婚有期而夫暴亡李年十九奔喪號慟事舅姑盡孝守貞至三十

六卒合葬于君卿

之墓 以上新纂

桐鄉縣

明

明

戴禹功聘妻陳氏

年十七夫亡奔喪抱尸而哭親為大殮越三日請于翁姑筭而拜廟執婦道獨

處小樓日習女紅為生計邑令蔡時鼎高梅先後表之

劉志

莊大成聘妻蘇氏

年十四未婚夫亡矢志守貞翁姑以禮迎歸拜廟受筭坐臥一室不窺戶庭者

五十餘年邑令譚承詔楊兆斗俱表之

舊浙江通志

張冲和聘妻周氏

年四歲許字于張父母歿育于外祖家以張貧更許他姓及長將婚周奔歸抱

父木主泣曰父命許張奈何以貧廢命挾利刃訴之官官為動容卒守初約人稱其貞孝

吳志

朱應宿聘妻楊氏

未婚夫病篤翁給之來閱三月未成婦夫亡翁姑繼逝力營三葬守貞數十年

桐鄉

徐志

韓氏二貞女

父某性僻不令出嫁二女從父命終其身長年八十餘次年七十餘卒

烏青鎮志

國朝

蔡昇猷聘妻施氏

大吳村人幼字于蔡未婚聞訃施即衰  
程往慟哭之素幃獨處三十餘年年八

十五卒乾隆

元年旌

沈貞女

幼許某未婚聞訃即縞素奔喪斬  
衰三年事翁姑曲盡孝養未幾卒

張起鰲繼聘妻朱氏

年二十五未婚夫亡父維新欲為更  
配朱扁處一樓截髮自矢越十八年

父沒既葬起鰲前妻子之致迎之歸守貞

四十一年以上乾隆二十三年旌

貢生陳宗聘妻濮氏

名蘭年十四許字未婚聞訃濮年二  
十一誓不另字夫家聞之迎之歸守

貞四十一年乾隆

三十九年旌

周冕聘妻錢氏

監生錢清女許字青鎮周冕未婚冕  
卒錢年十六守貞母家至七十卒

范懋聘妻沈氏

庠生沈樞女許字訓導范道岸係懋未婚  
聞訃號泣奔喪姑田氏已年老賴沈侍養

守貞數十年 以上吳志案吳志于秀  
水亦載范沈氏而無事蹟今亦兩存之

守貞數十年 以上吳志案吳志于秀水亦載范沈氏而無事蹟今亦兩存之

沈崑英聘妻陸氏

年二十三夫亡陸欲奔喪父母不許絕粒數日又自縊幾死遂歸沈終身縞素

孝事翁姑年

六十八卒

監生金梁聘妻戴氏

婚有期而夫亡戴告父母斬衰往哭請于舅姑撫夫弟之子為嗣誓死不

嫁

沈某聘妻夏氏

沈星來之弟以夏為養媳而不容于繼姑其夫孝恐違繼母意遂出不返夏亦誓不

他適守

貞以卒

管某聘妻王氏

未婚管歿守貞終其身

徐貞女

未婚守貞徐工詩家貧授女弟子以老

徐衡銓聘妻陳氏

幼為養媳夫亡孝養舅姑誓守貞節歷四十二年學使阮給節堅貞璞額以表

之

姚啟棠

桐鄉節烈誌作啟榮

聘妻沈氏

沈子發女年十六未婚夫久客不歸沈守貞六十餘年卒

胡耀寰聘妻周氏

周建中女年二十一方議婚而夫亡周毀容臨窆守貞四十年卒

徐世元聘妻張氏

幼為徐殿章子世元養媳未婚而世元歿張矢苦志奉孀姑姚守貞五十五年

沈元發聘妻張氏

年二十聞夫訃絕食數日矢志奔喪舅姑遣妯至父述其志沈因迎之歸事姑

及本生舅盡

孝闕八年卒

費大麟聘妻徐氏

夫隨父遠名之襄陽雙鉤鎮巡檢任所病亡徐聞訃哀慟誓不再適年八十五

卒學使王杰表其

閭曰閨闈完人

鍾某聘妻沈氏

年二十六未婚夫亡遂至夫家守貞年六十二卒

宗尚德聘妻張氏

年二十夫亡奔喪成服年五十三卒學使竇光鼐給額曰志堅金石

莊德馨聘妻倪氏 幼為養媳年十六未婚夫亡或勸其改

宗尙德馨聘妻張氏  
年一十夫亡奔喪  
卒學使實光  
蘇籍給額曰志堅金石

莊德馨聘妻倪氏  
幼為養媳年十六未婚夫亡或勸其改適倪矢志奉侍寡姑守貞三十餘年

朱廷儒聘妻張氏  
幼為養媳年十七夫亡張誓不他適現年五十六守貞三十年


沈增聘妻江氏  
增以痘瘍訃至江悲痛絕粒母泣慰之勉進醅粥逾年有議婚者江聞又絕粒舅姑

聞其義迎歸現年五十以上新纂

浙江圖書

嘉興府志卷六十四

嘉興府志  
卷六十四  
列女二



浙江圖書館



Blue Cyan Green Yellow Red Magenta White 3/Color Black


TIFFEN Color Control Patches © The Tiffen Company, 2007

Inches 1 2 3 4 5 6 7 8 9 10 11 12 13 14 15 16 17 18 19 20  
Centimetres

# 嘉興府志

卷六十三之六十四  
列女

浙江圖書館



民國七年度




第叁拾貳册

915.1242  
.0031





浙江圖書館



© The Tiffen Company, 2007